

甌北詩鈔五言古四

陽湖

趙翼

雲松

讀香山詩

我讀香山詩曠懷真灑落顧皆預防死所以早尋樂是其方樂時中懷已作惡何如無成心悲喜隨所托悲則有呻吟喜則有歌嘯

讀方干詩

我讀方干詩求進一何躁處處乞薦章誓以殺身報豈知要路人高居但暗笑曾無一文持徒有百篇噪區區螻蟻命願殺亦誰要

甌北詩鈔

五言古四

題鄒蓮浦小照

林霏澹無痕深樹皺眾綠超然靜者心小憩寄幽矚一童抱琴來松風正謾謾

和立崖遊虎邱用東坡韻偶檢杜少陵壯遊篇有

東到姑蘇臺闔廬邱墓荒劍池石壁仄等句是

子美先已遊此而今莫有稱者爰再次韻以諗

立崖仰蘇樓畔更築一懷杜閣以傳遺蹟可乎

遊山得勝覽不復躡峻嶺汲泉得甘味亦輒捨深井物

情大抵然星替月光耿虎邱有坡詩獅吼噤萬甬名蹟

遂獨擅和者句煉礦豈知少陵翁壯遊氣豪猛劍池闔

廬墓先曾行脚騁今乃人莫知湮晦足悲哽君家吳趨坊負郭有二頃盍彷彿呂汲公草堂葺荒冷呂汲公鎮成都訪浣花溪遺址重築草堂地非浣花幽跡以誅茅永庶共仰蘇樓分占茲山景羅池誌廟文孟亭畫壁影故事倘可循私心竊有請

讀王子中先生白田存稿敬書於後吾師汪文端

公嘗出先生門古人以親受業者爲弟子弟子所轉授者爲門人余於先生淵源故有自也

去古日以遠道學世所鄙方厭老生談孰究先儒旨風會趨益下其病正坐此白田王先生學獨務根柢下帷窮六經插架辨諸史蘇湖初教授名高特薦起 鑿坡

甌北詩鈔

五言古四

二

稽古榮

特賜翰林院編修

鶴禁毓德美

上書房行走

疏廣賜金歸力更救

桑梓生。膺蒲輪徵。歿入警宗祀。嗚呼洵完人。邈矣前賢

軌。嗟余生也晚。汨沒詞章裏。一朝讀公書。不覺投五體

在昔東坡翁。怕見逢掖子。或以鬼怪啞。或以麀糟詆。獨

於周濂溪。弗敢一言毀。造物乃其徒。恨不奉杖履。見蘇集濂溪詩

是知真大儒。折盡才華士。我劣本無才。敢以坡自擬。惟

此服膺心。傾倒有相似。韓門出陸莊。况是小桃李。雖未

枕膝授。豈遂傳衣止。著錄稱門人。例在通德里。祇應飲

思源。遠溯崑崙水。

前和立崖虎邱詩勸築懷杜閣以配仰蘇樓蓋一

時偶見及此未敢必有成也不一月立崖書來
已與同志諸公擇花神廟旁地擬卽日營構可
謂好事矣爰前韵以堅其約

偶然想爲山未敢必成嶺我倡懷杜閣覓水慮智井豈
期同好多慕古心共耿逸勝花神旁薙草辟鼃龜不惜
錢編埒寧待金取礪計日馨鼓興趨事力何猛此邦士
大夫洵多雅懷騁爲護鴻泥痕如祝鳩杖屐佇見凌虛
構落成在俄頃茲山有蘇樓孤寄本凄冷卜鄰得同調
益張大名永千古兩詩翁同占名區景劍池明月夜往
還有二影我當來守祠不待諸公請

甌北詩鈔

五言古四

三

立崖諸公方營杜閣東浦藩伯暨李松雲任曉村
二太守聞之共誇盛事適虎邱有蔣氏園求售
共捐俸千六百金買爲閣基任君并以虎邱本
白香山守郡時築塘開路遂又祠白公於其中
懷賢好古皆名流韵事也書來促余往觀厥成
先爰韵奉寄

爲山得大力蟻垤忽成嶺諸公營杜閣規畫方井井事

已聞當路名宦有軒耿

明軒輓與耿九疇齊名
時稱軒耿見明史輓傳

尙嫌所荒度福

又類坎壈一擲二百萬買園割礪礪始嘆達官力迴勝

素士猛風流賢太守妙思更旁騁懷杜方慨慷思白又

凄哽遂彷彿。彭澤田。杭秫各半頃。溪移浣花幽。路闢香山
冷。恰對仰蘇樓。鼎足名並永。因一乃得三。古迹增新景。
平池春雨痕。喬柯夕陽影。長作遊讌地。客到酒可請。

用少陵壯遊篇韻寄題懷杜閣兼呈東浦藩伯松
雲曉村兩太守暨立崖明府

曠世有相感。千古惟名場。杜陵天人姿。才思軼班揚。一
生遇坎壈。枳棘棲鸞凰。乃其驚人句。塞破萬錦囊。至今
咳唾餘。猶足潤枯腸。所以名不朽。高欲摩穹蒼。後人仰
遺躅。肯使墮渺茫。成都背郭宅。任城泛池航。至今尙護
惜。歷劫窮滄桑。茲山公所咏。闔廬邱墓荒。卽社是知一兩

甌北詩鈔

五言古四

四

屐曾踏山花香。乃讓東坡詩。獨占七里塘。自因題壁句。
風雨湮淋浪。我來偶披檢。潛采耀喬皇。好古有同志。崖立

奮起購豫章。寄懷擬築閣。旻霄凌蒼涼。當路聞此舉。快
若獲舊忘。別買蔣詡徑。來爲鄭公鄉。淥水舊名園。老桂
森出牆。迥勝浣花溪。當年只草堂。旣振墜緒冷。儘供遊
興狂。名更塔影舊。地恰海湧匆。遂使千人石。突過萬仞
岡。我思公生平。鍛羽飛鷺鶴。身悲空囊澁。命托長鑱強。

西枝村選僻。東柯谷向陽。蜀郊住稍久。貲索錄事王。尋
復客梓閬。依人乞餘光。嘉陵未暖席。渝水旋寒裳。囊西
賃草屋。風捲不得藏。力耕仗獠奴。勞以酒一觴。晚落潭

衡間牛酒遠。召殃統計所歷處。無非謀稻梁。正。因。饑。餓。
極。翻。以。醉。飽。亡。壯遊惟此地。年少逸興長。想當登眺時。
佳麗快遠望。劒池寒流碧。石壁返照黃。跌蕩風月窩。吟
嘯花柳行。故應覓魄戀。驂鸞騎白狼。默合晦迹顯。丹艧
煥棟梁。名流愛勝地。既死猶膏肓。顧非扶輪手。誰爲力
表揚。舉廢冷灰火。輟俸剜肉瘡。傑構屹百尺。坡亦在下
牀。古迹有雙清。大名無兩傷。氣已壓短簿。景堪畫長康。
從此虎邱勝。流播益未央。繫余拾級上。矯首凌八方。緬
懷昔賢踪。憑弔心激昂。復嘆鉅公力。締造傳遺芳。雲磴
聳峯嶺。風潭漾滄浪。彷彿何氏園。石林暑有霜。深壑透

甌北詩鈔

五言古四

五

宛委浮嵐接。良常懸知公。精靈乘雲翮。來翔

中秋後曉村太守招遊懷杜閣閣在左偏已塑少
陵像中爲思白堂設香山栗主右別有樓遂并
移東坡像於此仍榜爲仰蘇總名曰三賢祠虎
邱從此更增一勝地矣再參前韻題蘇樓下

人。隔。唐。宋。朝。地。分。秦。蜀。嶺。誰。能。聚。諸。賢。晤。對。共。廬。井。作。
合。有。妙。手。術。過。先。生。耿。南唐有耿先生能攝人
入山見陸游南唐書因杜兼及白營

築力已罷并移仰蘇樓粉繒飾荒曠幾同縮地幻直過
移山猛想見三詩覓結伴共馳騁出有同游樂居無獨

吟哽坡也雖後輩才思潮萬頃恰稱三雅聯豈同孤鳳

冷相得乃益彰。彌擅千秋永。獨悲公去後。幾閱滄桑景。
至今少替人。空矗高樓影。一廡倘可分。所願不敢請。

題周松霽杜詩雙聲疊韻詩

詩以詠我言。本從聲韻出。中有條縷分。古疎後漸密。隱
候辨仄平。孫炎著反切。關鍵一以開。千載莫能易。雙聲
與疊韻。六朝始梳櫛。礪礪音響連。腥瘦字母壹。北有魏
伯起。南有謝希逸。稿礪疊韻見南史謝莊傳
腥瘦雙聲見北史魏收傳此法皆講求。秘矜

專門術。杜陵益精嚴。對屬百不失。侵簪月影寒。逼履江

光徹。杜詩侵簪疊韻逼履
雙聲見雲溪友議老去詩律細。此亦細之一。倘其可不

拘。何以名爲律。無何讀杜者。過眼付一瞥。但誇奔絕塵。

甌北詩鈔

五言古四

六

不屑駕循轍。海昌有周子。遙契得真訣。手著括略編。韻
學乃盡泄。從來文字綠。每隨氣運闢。古人抉其大。後人
剔其窄。非必後所增。都自鑿空獲。卽如近體詩。古人所
未識。抑揚抗墜間。妙有自然節。古人縱復生。不能變此
格。是知本天籟。豈鑽牛角僻。茲譜雖小道。源出脣齒舌。
詎畫混沌眉。乃導崑崙脈。反語田顛童。測字杭兀朮。矯
揉尙稱奇。矧此諧傲釋。允作杜功臣。藝苑更繩尺。音籤
韻府外。另豎一幟赤。

題馮星石鴻臚夢蘇草堂圖

時註蘇詩
已刻成

我家顧塘橋。坡公上仙地。乘雲或來歸。乃不我一詣。翻

訪大馮君千里到幽薊。我賤君方貴。頗疑坡勢利。豈知君與坡千載。有獨契。眉山詩一編。箋疏良不易。一在援舊典。一在考時事。景虛但博觀。放翁亦引避。辛苦王梅溪。集註尙未備。施本稍後出。綿津加補綴。近時初白翁。精心更排次。我嘗靜披尋。似已無遺議。君也讀書多。一覽見疵類。遂獨出手眼。訂訛辨同異。大節据長編。瑣聞撫稗記。事參百家集。地考十道志。羽衣會何人。洞簫客何字。巢痕憶故官。綠衣嘲下吏。漏必簡蠹搜。誤輒芻狗棄。如睹局中身。并及言外意想當。五夜披青熒。一燈翳神光。離合間。不覺接夢寐。匪特君精誠。感通力能致。實甌北詩鈔

五言古四

七

亦坡靈爽欲以不朽寄七年果訖功真面廬山出奎宿在絳霄固應鑒勞勩君今買草堂恰傍西湖滢坡昔遊宦鄉歲或一再至我當來從君襍被同牀睡庶藉介紹殷得聆緒論秘又恐成各夢弗獲捧杖侍

寄題同年項任田青士居祠堂

老閱後生多端居想故友任田我同榜薇省班稍後沉默下帷讀恭謹循牆走東華每聯步跡似魚貫柳一別三十年雲山各翹首聞君歸田來名行著闕右達官罕識面鄰里無咳口人蒙涸鮒煦士倚鏗鯨扣寄我一幅

集精比深寧叟我思遊黃山訪君相擊拊俄聞山陽笛

不得一執手及門著錄多爲君謀不朽瀟灑青士居昔
日傳經久戶外屢常滿納約悉自牖數典鄭註參析理
閩學守探源溯先河訪逸搜小酉榛翳有必芟渤溲亦
兼取至今絳帳生成就十八九乃卽臯比座築祠不盈
畝生托一瓣香死奉一尊酒以茲心喪切益徵教思厚
嗚呼講學名世已成窠曰東林盛標榜鄒顧屹山斗繼
以幾復社氣矜尙趕趕近時風稍衰漢學又哮吼一字
据葉龍千言掃芻狗豈真發奧竅但自銜篋藪君獨宗
紫陽尺寸不敢苟名場詎屑爭理窟默自剖允矣鄉先
生典型古耆耇固宜祀瞽宗釋奠鄉射耦雲亭游息地

甌北詩鈔

五言古四

八

翠色蔚林阜修竹列如屏溪水清且瀏帶草通德鄉菁
莪育材藪高風長不沫千春薦香茆

五哀詩

杜少陵作八哀詩以寓嘆舊懷賢之意余少也
賤多藉老成獎拔得稍聞於時中歲歸田不能
躋高官顯秩以報恩施副期許此心常耿耿焉
今老矣若不及身記述則諸公高誼將付之漠
然何以自安也爰仿少陵體作五哀詩使子孫

識之

父執杭應龍先生

識士於未遇。援手已高誼。不論遇不遇。煦沫情更摯。繫
余少偏孤。子立四無倚。饑窮食不給。飄蕩學且廢。童駮
不知愁。尚逐羣兒戲。先生先子交。視如親子弟。爲營授
徒館。俾作養母計。兼令兩郎君。齊川共淬下帷肄。時先
生心豈謂可成器。正惟無所期。垂憫乃真意。及余得官
歸黃鱸。已長逝。生有涸。鮒恩死。僅隻雞。祭疎牕。一間屋
是我館。餐地短屏數行書。是公格言字。往蹟一追思。枕
席淚尚漬。所幸有子孫。通家往來繼。雖嘗分薄少。百未
酬一二。及余老未死。作詩誌高義。聊比柳柳州石表先
友記。

甌北詩鈔

五言古四

九

故吏部尙書汪文端公

東坡出歐門。一日聲價長。由來士未遇。必藉老成獎。吾
師松泉公。一代斗山仰。燕許大手筆。高名塞天壤。庚午

主京闈。余方掉詞鞅。薄技謬見知。遂登京兆榜。

時五經卷二場例試

漢詔唐誥公獨取節作進呈

尋招入平津林亭。極疎敞。佳兒付我課。今總憲公奇

書恣我賞。得窺美富藏。彌擴見聞廣。有時大典冊。副墨
命擬做。初猶不中程。塗竄至三兩。余矜跖。馳才遭抹欲。
稱枉久而益服公。文心戒鹵莽。自此窺津梁。古學騁詆
蕩。一官直樞曹。仍喜侍函丈。入揮制草麻。出扈屬車朝。
戎帳夜對談。有如其績紡。殖學期有源。立品貴無黨。語

深忘就枕每跋殘燭朗情同骨肉親誨極言論讜無何
梁木壞俛俛吾安放生平幾知已恩况兼教養龍門借
虛聲鯨鐘導洪響至今五十年冤猶接夢想百身悲莫
贖九原痛長往尚喜哲嗣賢曳履雲霄上當其入仕初
曾代籌運掌至今駟馬門或稍慰靈爽

故相國贈郡王傅文忠公

投操鞭學士絳灌惡賈生古來王侯貴蟻視寒儒輕傅
公起怯薛璇霄佐昇平讀書雖不多胸有千古橫會選
西樞屬余亦備品評顏狀既鄙野言語兼荒兇同官共
目笑公獨鑒樸誠試以著作才一揮七制成遂邀愛逾
甌北詩鈔

五言古四

十

等青睞超羣英朱提贈十流豐貂輝冠纓

屢荷白金
貂皮之惠

眷深

起衆忌媒孽設險坑公默燭其誣但戒賈監爭輟直未

一載仍聽神索聲及余入詞苑已非公所臨猶於

黼座旁時時說賤名爰蒙 御屏記一麾出專城會公

討緬甸余亦來從征得復叅未議易地駐援兵

時議分偏師
從普洱進以

余言改駐蠻暮為
江外大軍應援

惟有渡江策不能阻公行

公議渡曼鳴江日暑進
兵余以路險瘴盛力阻

其

從冒瘴涉洪濤人馬斃郵程尙賴偏師完隔江發權迎

阿雲巖將軍在蠻暮
具舟渡江迎公歸

公竟染危疾還朝遽奠楹嗚呼公之亾

朝野咸悲榮豈少一腐儒私爲血淚傾第念公門館何

限名公卿乃獨於薄劣數加拂拭榮此情何可忘事往

心猶振于載西州門羊曇同此情

故都察院左都御史觀文恭公

古有愛才者說士甘於肉非博宏獎名實出嗜好篤吾
師總憲公素無一面熟偶從甥館處見我詩數幅遂枉
車騎臨不使前顏歎公於令婿溫官舊處見拙詩遠枉駕見訪自茲得從游往往於

休沐扈蹕為選駒獵場過奔鹿每歲秋出塞大獵公監放官馬特為余選良駒辛巳試

禮闈公握衡文軸摸索在暗中竟得李方叔自詫一斑

管不迷五色日金門旋對策已占蓬頂獨神山風引迴

猶列鼎三足迴翔清閒地無由脫穎速公方領詞館典

策輒見屬進御例奏名得邀乙覽燭此段援引意暗

甌北詩鈔

五言古四

十一

中寓推轂翰林撰文例書姓名進御故公屢命余屬草計典况居最京察列余一等頌詞更選

錄萬壽詩冊特為入選井底青雲梯謂可霄漢蹴邊郡忽出守永辭

木天屋負公期望殷詩筆換吏牘才有文字長命無公

卿福公旋騎箕尾我亦返耕牧迢迢憶絳帷未莫芻一

束作詩記恩私長歌以當哭

故公相阿文成公

我昔直西樞與公為同官公旋出領兵赤手縛樓蘭青涑

雜下之變公往擒之自此每戰伐無不在行間滇南興緬役拜公大

將壇余適來從戎叅軍媿綢蠻幕府一握手商畧誅冥

頑豎議輒膺合圖易先思艱明年經畧至傳文忠公總統王旅

嗚蜚語或問之嫌疑微有端意見稍岐互何以濟艱難
余以舊屬吏委曲寓轉圜事既切同舟結須解連環敢
撫桓伊箏聊破彌遠鑽以茲用意密知我心力殫後公
終獲譴羈雷騰衝關二子戍兩粵余又措之安迨公重
作帥金川奏凱還策勲爵上公禮絕鸚鵡班余時已歸
耕不復達書翰猶蒙記疎賤寄聲到江干使節適南來
稽帷喜再攀公色愀不樂嘆未能除奸余謂大權減正
保令名完公時聞我語豁達開心顏至今身後名果然
定蓋棺當代第一流青史媿富韓緊余老菰蒲萬事死
灰寒豈復援鉅公藉作嚇腐鳶顧惟平生誼金石有不
甌北詩鈔

五言古四

十一

刊地雖隔雲泥情實傾肺肝作詩感存歿易禁涕淚潸
重過虎邱題三賢祠

虎邱祠前賢其論自我叔三年復來過雄麗果殊狀酒
樓低翠巒畫舸隘晴浪裾屐紛往來沸聲日夜壯遂使
久湮迹頓豁心目曠三詩人千秋一土阜萬丈卻笑建
議初本意標所向庶幾鄒湛名得附峴山上庸知傳世
難非可門戶傍試問衆遊人已把老夫忘

揚州畱別諸同人

我初客揚州詞流盛裾屐流連文酒讌徵逐最酣適何
期數載間多已墓草碧過江一訪舊淒絕山陽笛尙幸

四三人畱待續陳迹四海曾靈光端推謝安石

味堂司寇
爲詞館二

十科前輩年
八十有六

東陽雖稍瘦其氣實嘖嘖

騷堂

吳均正強仕行

卽赴朝籍

杜特

工詩玉溪生高論每翫獲

騷堂

相見各無恙

不覺手加額憶自來邗江所交皆素識前後十餘年不
曾添一客新知既不增舊好又頻失剩此幾晨星得不

倍珍惜諸公同此意更番展瑤席雜坐竝飛觥近游借
杖策依然觴咏地光景追曩昔臨分期後會預約鄭莊

驛年年看花時來此一浮白

戲老

龍鍾老年人未死先作鬼鬼者人所畏遇輒思遠避老

甌北詩鈔

五言古四

三

人亦復然所至令人悸寒松骨凌兢凍梨面垢膩自然
生威嚴非必性情戾兒怕責淵明妾不媚鄒忌一聞曳
履聲先托下帷肆偶逢少年客寒暄語未旣察其肩曉
間早露引退意何況婢僕輩聞呼強一至勉効趨走勤
貌恭神已異只有諸童孫貪翁含飴飼辟呬時一來得
食又掉臂嗟哉老至此衆畔親亦棄雖尙廉頗健已同
伯有厲應號活死人譚語聊自戲

中庭坐月忽一女孫言月大如酒杯不覺駭聽因

歷詢諸孫及婢僕輩言人人殊有同謂如杯者

有如鏡如碟者甚至有大大如盆盎者乃知眼光

各自不同也。余年七十四，向未知此。今因小兒
女語，乃得之。然則近在目前，而所不知者多矣。
作詩誌之。

舉頭見明月，大如五寸鏡。謂衆目皆然，圓規有一定，忽
聞小如杯。兒語實駭聽，因之遍諏訪。令各說圍徑，細比
半兩錢。大至尺口磬，始知眼光異。塵根有殊性，譬若長
短視。遠近相去，負花看霧中。昏毫察秋來，炳卽事悟學。
功格物非易，竟老夫年七十。識月猶未盡，如何執成見。
輒負鑿裁柄。

夜不寐作

甌北詩鈔

五言古四

古

崢嶸火雲高，日落半空赤。城居少林蔭，因此炎歊迫。捲
簾候夕涼，鬱熱或暫釋。四垂無纖風，仰視天正碧。月光
日所映，返照有餘赫。滅燈聊暗眠，裸脇貼地席。羽扇幾
脫腕，絺巾且漉液。忽焉癢如疥，萬癩凸膚革。飛蚊又來
嘍，舉手急一拍。狡捷倏已逃，徒自打頭額。嘻乎此夜中，
直比入甕炙。卻憶西南天，烽火正絡繹。溽暑蒸臭穢，遍
野腐齒積。吾儕幸安居，尙嘆爍金石。兵燹彼何辜，感時
一悲惜。

書綿州牧劉慕陔守城事

綿州有舊城，地扼潼川渡。垣墉圯已久，履屐可平步。蜀

賊方蔓延州守早卻顧先期集版築百雉屹鐵鑄城成
賊隨到殺氣振烟霧百里避難民望城作生路開門聽
其入赤子得慈父衆志本成城有城志益固弩臺發機
括戰格列檜柵賊方盛氣吞唾手拾倉庫梯衝百道來
墨守綽有裕丁男晝地戰婦女送餐哺矢石所及處仰
攻悉顛仆粉堞俄成赭盡是賊血汚相持三晝夜救至
始解去偉哉保障功活人已無數向非憑堅城此離衆
曷護緊茲應變材衝要端可付書之風百僚武功出儒
素

偶書

甌北詩鈔

五言古四

五

老尙手一編丹黃勘不置若以聖學論亦玩物喪志其
如結習深舍此心曷寄老鼠慣搬薑蠹魚喜食字藉遣
時日閒兼飫性情嗜譬如呼盧盆不過寓游戲奈何技
稍工又想以傳世

兩耳未甚聾已難別宮徵與客坐對談惟恐失條理內
則以意聽外則以目視目光所疑注不誤談娓娓雖無
顧曲精亦免隨口唯一笑雙明瞳乃爲司聰使人以耳
爲目我以目爲耳

香山與放翁晚歲澹容與語語不畏死正是畏死語死
者誰不畏豈真去得所吾惟任自然不迎亦不拒食不

恣老饗。眠不厭。獨處雖非卻。老方或是養生主。住則樂
爽鳩。行卽捨。逆旅。

書放翁詩後

放翁志恢復。動慕臯蘭鑿十詩。九滅虜。一代書生豪。及
開禧。用兵年已八十高。設令少十年。必親與戎韜。是役
出卽敗。輕舉千古嘲。公若在其間。亦當帶汁逃。天特善
全之。仕隱皆奇遭。無事則恤緯。有事已善刀。

茅山紀遊

句曲古洞天。距家二百里。年耆尚未到。塵俗真可鄙。今
朝忽興發。奮決枋榆起。買舟旣風順。登陸適雨止。昇籃

甌北詩鈔

五言古四

七

兩輿夫脚過茅狗。駛遙指大茅峯。直上青冥裏。屈盤十
八折。疊磴何人始。每當一折處。輿夫劣容趾。吾身已在
空下。瞰怖欲死千丈倘。一落直作齏粉耳。自笑老何爲
乃冒險若此。

時當二三月。羣禮三茅仙。江國千里內。男婦盡翕駢。不
到頂不止。欲表方寸虔。十步九喘息。力憊志益堅。乃知
求福心。不惜性命捐。峩峩九霄殿。登降紛摩肩。棟宇熏
已黑。總是稱檀煙。雖曰愚民愚。究是神使然。其身已登
真。傳又千萬年。匪惟大名垂。兼攝衆心懸。嗚呼彼何人
占此福力全。

名山湛清華。惟在水與木。有水山不枯。有木山不禿。茲山乃兩無。但見春草綠。不知古仙人。胡爲此栖宿。及觀曉雲生。譎詭盪心目。或如孤煙輕。或如濃霧濁。其出也無罅。氣透毛孔肉。蓬蓬四飛揚。滄然滿巖谷。罡風吹不散。俄又聚成族。乃知茲山靈。地肺通天腹。所以三茅君。于焉吸清淑。

同人預訂牡丹之會。稚存不待花開。輒折簡邀集。作此戲之索和。

借花作飲。資借飲爲詩地。此亦退閒人居鄉一樂事。山茶旣開。尊海棠。又舉觴預期牡丹時。再續花下醉先生。乃不待老饕急欲試。枝頭方繭栗。折簡遽邀致。由來不羈人。作事必奇氣。仕宦甘勇退。雞肋竟輕棄。遊讌乃躁進。未卯輒早計。吾笑謂先生。此酒爲花貰。有花則成賞。無花則空費。待取花開時。須補郇庖治。

今歲桂花甚遲。九月望前始大開。而菊花已爛熳矣。戲效香山體簡稚存。

菊花稱晚節。於桂猶後輩。向來不同時。桂謝菊始代。胡爲今年秋。兩花結同隊。方賞籬豔舒。尚喜天香在。桂有香無色。借菊發精采。菊有色無香。借桂出醞醕。菊非貪躁進。桂豈昧勇退。或爲吾二人。同處寂寥內。君含老圃。

容肯。伍。凡。粉。黛。我。畱。小。山。叢。亦。壓。賤。菅。蒯。共。支。風。露。天。
一。掃。胭。脂。態。得。句。箋。互。賡。談。心。牀。共。對。相。期。保。歲。寒。論。
交。久。可。耐。

靈谷寺

崇閣古招提。背倚鍾山麓。平岡左右抱。陰翳萬樹綠。山
門到堂廡。鞭馬嫌不速。中恢無梁殿。制仿古陶復。累甃
代棟隆。穹作層阿屋。旁有琵琶街。驪響費琴筑。最後功
德水。趵突地底伏。憤盈一湧出。直上三丈竹。鐘魚腫僧
顛。丹碧眩鳥目。當年誰結構。巨麗壓坤軸。聞昔寶誌公。
窆骨占靈隩。明祖欲借之。墨不食龜卜。三百六十庄。特

甌北詩鈔

五言古四

六

賜作湯沐。遂啟茶毘藏。趺坐容尚穆。地靈體不壞。指爪
長。繞腹遺蛻。竟奉遷改瘞。此巖谷寶刹。斯莊嚴知費金。
幾斛維時。戡亂後血沸。戰鬼哭於茲。建道場。普度虫沙
族。迨夫永樂初。復薦考妣福。法王哈立麻。遠迎自乾竺。
七日無遮筵。薰天衆香郁。甘露祇樹凝。慶雲觚稜宿。至
今傳盛事。談者舌猶縮。信哉誌公神。百世能預矚。畱此
一牛鳴。巧中帝王欲。貪念圖空窳。雄心侈土木。總在逆
料內。增榮肉身肉。葬同樗里智。摸避曹瞞毒。噫嘻。彼何
人。擅此神通獨。

偶書所見

老尚手一編藉作消閒計或謂今生書可爲來生地樂
全未了經香山之無字皆自夙世來徵驗若左契我聞
喜不寐一讀便兩世卻笑老健忘掩卷已不記及身尚
如此邊問他生事

墮地第一聲開口便是哭可知有此身卽是苦所伏維
苦斯活身手足供口腹其理本公平習勞以養欲乃厭
四體勤專想飽且燠試問從何來召苦必更速世上苦
人多總爲貪享福

無貴賤何歎無富貧何疚君看飲啄禽千古少爭鬪人
則等級殊榮利百般誘遂起貪伎心智力角勝負小則

甌北詩鈔

五言古四

九

滋訟獄大則興甲冑好醜兩相耀殺機遍宇宙吾將問
真宰此害誰任咎

才士好自負謂人皆遜予豈知有心人弗肯高自居君
看甫於白愛慕終不渝昌黎遇東野名位已迥殊乃輒
推爲龍願作雲前驅是知集益勤其心彌冲虛惟知不
如人是以及人不如

竹初齋中建蘭盛開招同立菴瑩溪稚存香遠醺

集卽事

賞花各有宜氣味貴相感蘭邊置酒肉見者心一飲是
宜初佩供未可把杯覽胡爲對清芬召客快一噉開筵

羅肥鮮水陸靡不擘毋乃大嚼奢弗稱素心澹豪舉屢
幽芳岳正好大膽由來主人高品共畹香蒼崔遠卮座
梨庾杲出水菖臭味無差池如山谷嗜攬因之腆治具
濃淡兩不揜唐突西家施此事只君敢贏得老饕狂餽
抄腹填坎花前忘形穢飽啖聲有噲

借月和尙以其名乞詩戲贈

月出照萬方光普何必借旣免束縕乞亦省鑿壁假云
胡以借名欲豎昇天架山僧本無求心空萬緣罷燃糠
勤何用囊螢功久謝將欲譜霓裳安有法善駕將欲折
桂枝恐被吳剛罵乃竟不自量妄向清暉貰豈作夜亮

甌北詩鈔

五言古四

三

木隨身光四射或誇夜明珠照乘珍無價嫦娥聞之笑
此僧愚而詐殆謂虛空中雖欠不索債卽此貪痴心其
罪不可赦罰守琉璃燈不許風吹罅吾試爲解鈴安汝
毘耶舍昔有韓道人與客泛月下團瓢昏月光頻向筠
籃瀉後當無月夕放出光滿榭與客譙盡歡朗勝燭燃
樺是真能借月神通出變化君果擅此術吾當驗黑夜

靜觀二十五首

大易論天道恒久而不已此從後天觀未究先天始試
思混沌中積氣一團耳誰鑄陰陽爐一一析條理寒暑
運有期日月行有軌成法旣一定萬載勿改徙橐籥太

極光天地亦聽使是何大神通預創鴻濛裏其來必有
自其故莫能擬

謂氣從理出衆口同一辭理從何處來非虛懸兩儀有
氣斯心知有知斯是非是非方是理而氣已生之豈非
氣在先早爲理之基况或理所無而爲物所有有知變
無知連理木不朽無知變有知老楓或成叟試問此何
理磅礴出氣厚爲語諸腐儒陳言未可守

蒼蒼非正色天有氣無質旣無質可憑不比地踏實日
月何以行軌塗百無失星辰何以繫宿離亦不貸使非
有界畫安得無越軼界畫在虛空又何處著筆吾將問
甌北詩鈔
五言古四
三
司天推測倘有術

人氣有出納一刻百呼吸天呼吸在海日只一潮汐幾
疑天氣遲不如人氣捷豈知天一噓十萬里而遠惟其
太遠闊遂覺稍紆緩鵬鷗同一遊固難共往返

日西沉虞淵宜可稍休息乃復連夕馳東出寅卯刻是
知晝夜忙不敢惜其力獨念太極理動靜每互根唐堯
古神聖耄期亦倦勤何以曦馭速一息無停輪吾恐千
萬年不免畧欠伸思窮忽大笑此憂真杞人果至天倚
杵汝身在何處

兩間最恨事莫如天不言初疑天省事不耐聒擾煩豈

知蒼蒼表。但以大德敦其餘。生殺柄固各有司。存陰則
冥司報陽。則王法論使必親告諭。安得許舌根。况彼大
九州。唯喏不勝繁。勢必遍學語。始可訓諄諄。天亦當大
笑。吾將譯美渾。

日月之運行。以東西爲程。寒暑之早晚。則南北爲限。吾
嘗出塞北。八月已大雪。又嘗遊滇中。冬至桃花紅。江南
黃梅雨。京畿在大暑。閩南臘月蚊。浙東蛙。春分此皆身
親歷。非自傳聞得。大概氣早遲。百里一日差。以此計天
咫。三萬六千里。然而南海南。不知幾暹耽。以及北海北。
不知幾獯羯。重譯所不通。氣候更難窮。所以雖聖智。六
甌北詩鈔

五言古四

三

合外不議

人沒水則死魚。乃生於水。人埋土則閉虫。乃穴於地。可
知芸生饒各自路。一條大氣所磅礴。水土無不包在水。
水氣盛在土。土氣旺物從此氣生。卽以此氣養遷地。弗
能良受性。固各爽。但觀種類殊。彌覺化育廣。

真宰果有權。陰陽能獨擅。應只儲祥和。不復布戾悍。人
有正無邪。世有治無亂。物不生蜂豺。歲不降水旱。而乃
冥冥中。不能盡如願。由來此大塊。二氣所塞徧。有陽必
有陰。其力各參半。不死安有生。不寒安有暖。雖以造化
功。不能偏於善。不見一日間。晝明而夜暗。

物物皆天生自兼陰陽理及至人爲者天何所施技乃如織紗綾自然有表裏甚至寸紙薄背粗面如砥始知二氣遍無不爲所使陰非專主惡陽非專主美兩不能相無一又分彼此此中造化微眼前即可指

避網魚潛淵避弋鳥遁風貪生而畏死萬物無不同啄蟲雞得食擇肉虎供餉損彼以利己萬物亦無異人寧獨不然莫勿圖自全有害輒思去有利輒欲專聖人立人道乃力矯此弊有殺身成仁毋見利忘義雖則愜於理多不便於身所以莊周言仁義能殺人

習聞古人語天生物養人不曠覽宇內豈知天至仁卽

甌北詩鈔

五言古四

五

如食需鹽煮海給數省海鹽不到處別有池與井

滇蜀鹽井秦晉

鹽池戎羌無井池晶鹽自生境

戎番掃地皆鹽色如水晶味極佳

又如漠北地

寒不生五穀偏有好水草供其廣游牧草以養畜命畜以飽人腹卽此可類推何況用五材天之於斯人亦太厚矣哉

洪荒甫一闢卽強食弱肉飲血而茹毛久已習成俗人多物難供益之以五穀木棉出近代亦以代蠶蔴此皆天苦心欲稍減屠戮或笑此論迂謂北有獯鬻殺生以爲糧豈能禁剝剝斯語亦未然吾嘗問戎族肉食惟酋長餘皆酪充腹日烹羊馬乳晨夕當饘粥乃知擅臊鄉

亦稀宰割酷

余嘗問陸夷尼魯特據云肉食惟會長能之餘則日飲酪漿至過節祭先始一肉也

天生萬物初一物付一性芥薑辣難嘗鷄鶉勇易競傳
種千萬年不改胚胎孕種一日不絕性一日不更是以
付物始一付事已竟惟人則不然熏習有不定或先賢
後奸或始邪終正沈充身從逆幹蠱乃有勁盧奕抗賊
死子則藍面佞天亦無奈何又無轉移柄激勸整齊之
此權聽王政

人物共此宇惟鳥去人遠凡跛行蠕動近人固難遣只
除六畜外餘害人不淺無論虺螫毒無論豺虎蟹蚊皆
如芒微蝟毛比絲軟一中人肌膚痛癢輒不免吾方怨

甌北詩鈔

五言古四

五

天公人幾被物鬱卻思人戕物恣睢更無限搜皮到狼
狐取肉及螺蜆是知人與物相遇各屠剪竝育不相害
此語恐非典

五材民竝用火於人尤切上自鳥雀繁下至蟲魚鱗飲
冷而食生不聞病膈噎甚至蠶生水更或蛆出雪自能
孳育蕃不藉烹飪熱惟人稟天陽氣母用易竭火食以
益之始補丹田缺可知炎上者專爲人而設奈何資以
生輒不知搏節但快已貪饕弗顧物夭折所以杜甫言
燧人之禍烈

人視衆蟻羣同形無分別蟻在其羣內又各自辨識不

知蟻視人可能認一一大凡眼有光各隨身大小大視小則蒙小視大則瞭雖有離婁明不知雌螟皎何况小視大一覽自了了所以顯微鏡西洋製最巧能拓小爲大遂不遺忽杪

大撓造甲子初但以記日兼記歲月時至漢始畫一千支配五行尤出方士說乃以推生命及凡擇凶吉就其生尅理叅以推算術趨避前民用往往百不失豈非廿二字早默括陰陽信哉古至人神明過倉頡

王者制刑法輕重無弗備虺蝮肆陰毒豺虎逞狂噬何不設一律使之畏而避乃自臯陶來竟無此條例是知
甌北詩鈔
五言古四
五

生殺權僅能懾同類威力所不及神聖亦無計
燈光所不照室暗無所見暗中視照處乃無一不辨是
暗能視明明不能視暗因悟陰陽理陰包陽過半陽事
陰必知陰事陽難斷人不見鬼神卻被鬼神看是以古
聖王精心創幽贊祀先虔致齋享帝嚴殷薦報賽巫舞
工禱祈祝詞善豈徒借設教冥契實有驗于寶無鬼論
固出自狂誕

世傳張道陵能造符治鬼吾心竊疑之從何奉天旨遂
如定法律幽冥咸聽使及試請乩仙乃知非虛說曾遇
回道入瞬息來千里吾默思一字彼已書在几先我半

字功捷過駒隙。馱演幕亦設。此竟遇曳白子。吾思一字成。彼方振筆起。困之以不思。彼又停筆俟。此實我親驗。降壇虛空裏。靈蠢雖不同。神竟有不死。楚俗祝由科。村巫圓恍技。萬事無不有。未可臆見揣。余在京時王孝廉殿那來說。此是日呂洞賓至方判一二。字余然以意續之。纔動念而此已書。即余所思字也。及在滇南將軍果毅阿公子。豐公亦能請仰此筆動而成字。余試代思一字。此即書之余。又以不思因之。果筆動而不成字。遂默爲足成一絕。此余所親試也。然余所思字初不出口。余亦未嘗手扶。此但一念動而此即知。惟回仙常早半字。頃演鬼則余思一字。方書一字耳。此不得謂無其事也。

漢王父置俎。倘竟遭慘烹。後雖成大業。終負不孝名。葛王妻被召。倘竟受定情。後雖正宸極。難雪此醜聲。兩皆有天幸。一死而一生。妻不污。鉤盆父亦脫。杯羹乃知有。

甌北詩鈔

五言古四

庚

道昌天默與玉成

古來稱英雄。大都出戰功。其中亦有別難易。各不同。時當開國初。兵威如虎熊。所至輒摧破。策勲爵王公。固由謀勇奮。亦乘氣運隆。惟有喪敗日。力措沾危中。睢陽人肉盡。崖山海血紅。明知勢不敵。百死堅孤忠。舉事雖無成。浩氣貫白虹。視彼褒鄂徒。恐無此英風。

古語每易傳。雖誕亦流布。日中有金烏。月中有玉兔。婦娥奔月藏。夸父逐日步。精衛溟海填。織女銀河渡。何一非謔言。不值一唾吐。乃相傳至今。舉世作典故。後人苦效顰。小說出無數。粉羅極諾臯。瑣記到堅瓠。徒費鑿空。

換曾莫有一顧爲語好怪人枉自用心誤

兩間無用物。莫若紅紫。花食不如橡栗衣。不如紵麻。偏能令人愛。讌賞窮豪奢。詩詞亦復然。意蘂抽萌芽。說理非經籍。記事非史家。乃世之才人。嗜之如奇葩。不惜鉞。肺肝琢磨到無瑕。一語極工巧。萬口相咨嗟。是知花與詩同出。天菁華。平添大塊景。默動人情誇。雖無濟於用。亦弗納於邪。花故年年開。詩亦代代加。

詩以道性情罕有說理者。歐北五古論事論史已獨闢一境。茲更以詩說理。橫說豎說皆未經人道。而昆刀并剪無一腐語。無一俚詞。尤是獨絕處。保泰。

借王仲瞿孝廉蔣于野秀才游洞庭東西兩山時

吳縣湯明府爲治裝

甌北詩鈔

五言古四

七

足跡半天下。南戒徧登眺。家鄉有名區。垂老乃未到。枉自稱好遊。將被向平笑。邂逅天假緣。偶泛吳門櫂。洞庭近百里。山靈默相召。辦裝有賢侯。結伴得同調。遂果此願償。湖山領佳要。胥口布帆開。一鷺已前導。

洞庭本湖名。今名湖中嶺。七十有二峯。東西列屏整。聞有靈威書。禹跡藉導引。鴻冥角里村。龍隱柳毅井。明知語荒唐。烏有如捕影。卻因流傳久。典故千秋永。遂令好事人。雖幻亦引領。豈慕湘瑟鏗。寧尋鄂被冷。一聞茲山名。恍在九疑頂。微雨忽空濛。恰作瀟湘景。

探奇先東山。村落何葱鬱。田少人戶多。不供一頓粥。卻

因營貿遷術善操盈縮遂多擁高貴麟次總厦屋其俗
况淳朴目不見可欲隨時山有果過午市無肉相見各
愛敬善氣藹可掬人間真樂郊安得一椽卜

莫釐最高頂俯瞰全湖光三萬六千頃滌沔盪我腸其
下多奧區妙又在隱藏面湖忌淺露每借山爲障山所
不障處護以竹木蒼最好古雪居濃綠森千章不知上
有天但覺翠幕張清風颯然至毛竅俱清涼何當來結
夏快此披襟當

西巘有絕壁其腹忽嵌空不斧鑿而破不棟桷而穹造
物亦好奇傲人智力窮創此無梁殿厚豁占百弓仰睇

廡北詩鈔

五言古四

天

衆魄礪一倒挂胸壓卵倘一落命在齏粉中巨壑終
渾成萬古含崆嶺遂覺此頑石八面開瓊瓏囹圄質雖
蠢混沌竅已通不知命名初何以呼石公

林屋古洞天一穴入地底相傳通峩嶇誰與證遐軌我
來秉炬探實可五六里蝙蝠驚火光撲面飈飛起其下
坎陷處膝行不得跬匍泥滿身笑比負塗豈過險又
空澗一喊甕聲唯恐有饑蛟藏口饒奮舌矜老膽亦生
怯路恰隔凡止洞蓋處有隔凡
二字王鑿所書迴身作猿升經時始見晷乃
知向所歷湖在頭上矣

昔有席允來湖樓寄嘯傲乘興泛湖回放鶴先歸報紅

粉盡出迎笙歌兩行導。又有徐尚書宦成得予告。猶令
修官書設局。此巖隩號召諸名士。全集赴蘭棹。嗚呼。彼
二人。一富一貴。要各擅意氣。豪湖山增照耀。至今訪遺
迹。已無地可弔。何況我輩來。偶然快登眺。他年鴻爪痕。
誰記王蔣趙。

到揚州沈旣堂前輩畱飲話別兼訂蘇杭之遊

我昔客揚州。詞館列末座。有酒必互招。有詩必共春。
花接屐探夜雨。對牀臥生平。朋簪樂興發。不暇情何當。
二十年十九入楚。些俯仰一傷懷。駒隙蟻行磨。今茲再
來遊。碩果公一人。以罕見珍。得不當奇貨。喜公精力

甌北詩鈔

五言古四

完

強豪氣弗稍挫。書燈久逾味。詩脾日有課。

公自號味燈老人。日以詩脾集字得句。

足覘老不衰。耄耄可預賀。我也雖後輩。馬齒乃較大。亦
幸腰腳頑。未至憚勞瘁。相見各無恙。喜極淚翻墮。人當
暮。年來萬事付一唾。惟此故舊情。入骨不可剝。一尊軟
脚筵。不覺成久坐。明知後會稀。且禁勿道破。安知古俗
喬。不是我輩做。臨分更先訂。蘇杭秋振柁。我歸當掃門。
佇候蘭橈過。

甌北詩鈔七言古一

陽湖 趙翼 雲崧

十不全歌

世間萬事無不有。奇形乃見支離叟。眼無縫。頤有紐。胸怒蛙。頸瘦狗。足一腿。手半肘。倮然一身叢。百醜市頭坐。乞錢人呼十不全。天生是使獨。彼亦不知所以然。我讀山海經。人生初本無定形。或蛇身牛首。或三臂獨肱。臍爲口無舌。乳爲目無睛。天公見之不好看。遂件端相細改換。譬如塑佛欲成。滿月面鼻大減幾分。口小拓幾線。自從鑄就人樣子。化工能事始畢矣。聽他夫妻父子依。

甌北詩鈔

七言古一

一

樣畫葫蘆大概不出範圍裏。何哉爾獨缺不完。縮長凸短雙必單。得非女媧搏土未定稿。千年拋落荒山道。爾托生時不暇擇負之出胎。太草草獨眼龍稱豪英。豁鼻馬爲公卿。瞎見一淚亦大貴。鑿齒半人且得各。爾則手不能持。足不能行。同在覆載內。天桎地梏過此生。噫。噫。乎謂出自天意。生之胡令痼疾廢。謂是惡所招。受形時豈卽召玩。將無輪回果報信有之。今生苦是前生致。不覺對之爲悲涕。願天生好人。願人行好事。

奇恣乃爾千古絕作故

青山莊歌

毘陵城北皆平地。何許林巒疊層翠。路人說是青山莊。

門帖新題官賣字我來出郭偶經行歛戶曾無主出迎
繡闥雕甍空尚在殘山剩水不勝情頭白園丁老扶病
爲余縷述資談柄園是前朝貴介爲依稀記得延陵姓
後屬安昌相國孫廿年行樂尤繁盛相國勳名在廟廊
清貧未有午橋莊令孫繼起爲方伯分陝曾裁召伯棠
罷官歸徙常州住百畝林扃供散步入門便陋舊規樞
大笑前人太寒素已編錢埒買堂成拚倒金籬將地布
不覺松杉也改觀何曾臺榭還如故繚垣甃異枳編籬
砥室築臨花夾路十馬馳毳闌作場百牛拖石排依樹
粉本溪山似嶂懸壁衣籜溷皆紗護一重一掩景廻環

甌北詩鈔

七言古一

二

某水某邱途錯互倚杖疑探栗里幽汎舟訝入桃源誤
勝賞經年興不殘四時花鳥暢游觀清音警露鳴仙鶴
浩態嬌春豔牡丹西府海棠移卸砌上林盧橘植雕闌
跳波魚婢能知樂挂檻鸚哥解勸餐園林成後教歌舞
子弟兩班工按譜法曲猶傳菊部爭新腔催打花奴鼓
反腰貼地骨玲瓏擎掌迎風身媚嫵阿誰棋墅伴壺觴
綈几羅幬樂未央幸舍賓朋珠履貴便房姬妾翠鈿香
傾城妓入籠鶯館要路官登射鴨堂熟客倚冰終日計
乞兒向火一羣忙主人自顧矜豪放揮霍不將錢籠障
博局籌償舊帑錢纏頭錦出新花樣茶經蟹眼淬棋槍

食品猩脣調醢醬蠟淚成堆更熟膏酒甌卧壁仍傾釀
笙歌酣倚賞花亭燈火醉歸邀月舫自製當筵上壽詞
青山與我長無恙豈知卮漏比泉流猗頓潛懷折閱憂
已失又思求塞馬未蹊輒欲奪田牛豪名本足招人妒
禍事真成與鬼謀張樂正期投轄飲叩門忽報檻車收
填尸鬪土悲黃犬回首歡場付爽鳩春夢一場那可再
祇今惟有青山在青山也要屬他人官價三千聽人貸
猶憶倉皇對簿趨難憑複壁寄錙銖委地圖籤爭剔玉
隨身衣履敢留珠翻教百口求春賃那有千金賄獄輪
籍到平泉花木簿林霏亦似淚模糊平生枉使錢如水

甌北詩鈔

七言古一

三

此日人情薄於紙有誰廣柳路旁迎并少綠珠樓下死
老僕如今也入官仍充園戶守荒寒飢窮全仗遊園客
給一文錢一度看往日監門梁肉厭近時失路斗升難
我聞此語心振觸信有興衰如轉轂重向林巒曲折尋
繁華彷彿畱人目垂楊影裏釣堪垂秋樹根邊書可讀
愛山我乏買山資有山渠少看山福空餘別廟祀花神
自塑泥身占巖谷晝寢香消落燕泥空堂氣冷飛蝙蝠
平津廐庫古曾悲華屋山邱今莫哭梓澤風流昔未經

踏春偶到訪池亭無端一段闌丁話說到傷心不忍聽
日暮歸途回望處夕陽猶照晚山青

極似梅村仿長慶體而
精麗過之

題閻典史祠

傳芭伐鼓封羊豕。前代孤臣今代祀。不讐枯骨國法寬。不忘忠魂民意美。是時王師下金陵。大江以南望風迎。小朝廷已被俘去爲誰保。此彈丸城國亡援絕獨拒守。作計雖謬心則貞。姓名已入點鬼簿。滿城皆鬼作鬼兵。以鬼易人。一當一人。則怕死鬼怕生。梯衝環攻百道禦積屍。高與雉堞平。縛芻爲人夜取箭。縋絙出卒霧斫營。軍久絕糧。鼯鼠掘土不解甲。蟻蝨生相持八十有。一日一日中有千輪。羸君山礮聲沸江水。鐵騎平明滿街市。短兵巷戰血尺深。袒臂一呼仆者起。力盡俱甘駢

甌北詩鈔

七言古一

四

首戮至今白骨填。荆杞嗚呼明季雖多殉。節臣乙酉之變殊少人。將帥降旛蚤豎壘。公卿欵表先趨塵。高門王謝獻城亟。盛名巢由拜路頻。何哉節烈奇男子。乃出區

區一典史

刻華處何止八木三寸保泰

响屨碑歌

滿堂蜩斗何蜿蜒。砉然鴻濛落我前。十指欲捫不敢近。中有神聖千萬年。伊昔昏墊五行汨。龍漢餘劫留水厄。人命慘填魚腹枵。民居爭結鳥巢窄。黃熊九載績弗效。聖子起任平。成責齋夔感夢蒼。水使告以宛委貯金策。蕭刑白馬啓石函。玉字銀編妙尋繹。遂乘山櫟跨泥橈。

分醜泮洞闢壅隔塗山弗顧子泣呱呱轅并愁妻見嚇
亥章奉令爾跟踵支祁就縛鎖骨豁山河兩戒次第清
萬古坤輿奠衽席功成勒銘告歲事岫嶼山尖斷貞石
文括山海岳瀆經字挾泚誦倉頡蹟堯碑舜碑不可見
世問點畫此最昔開天古篆形模奇難與後人較波磔
想見摩崖作學策六丁下照火光赤我聞此碑久失稽
道人偶見旋復迷杜陵所觀已贗本肥而失真燭若犀
昌黎親到猿猴窟千搜萬索無端倪此刻何時出磨洗
使我創睹驚且喜得非鏡石充逸少或者朱繇貌道子
目無罔兩雙明瞳真假誰能定片紙我重聖德垂寰瀛

隴北詩鈔

七言古一

五

珍之不啻尺璧瑩洪荒翥樞數字外口不能讀心敢輕
盲翁捫籥但取似葉公好龍固爲名况茲筆力自奇古
不真亦是好手成貌薦敦卽衣冠氣妒閼氏亦傀儡精
君不見七十七字長八尺蛟螭攫拏龜魚擲頭蟲蝕木
蛀眼枯雄雷劈山斧痕裂鑿椎欲破渾沌竅鑄鼎直寫
神姦魄嶧碑獵鼓空爾奇籀斯安有此體格縱輪明堂
琥璜價也比宮縣追蠡迹

戲題魁星像

是何猙獰鬼戴斗曷鼻魁顏貌粗醜云是星精主文衡
藁榜榮名在其手黃金點目儼方相牛頭夜叉舞跳跟

市頭忽逢白日鬼陣上突出黑面王似此險怪倘操鑿
寧免軋苗災詞章我問奎爲文昌宿一十六星光彩秀
昔時五緯聚此躔肇啓道學助如晝不知何年訛爲魁
奉之不異瞻三台東坡死後作魁宿道家幻語誰見來
古人字以象形起今反就字求形何遂令黑頭朱衣人
抹粉塗丹作魑魅如怪亭林老人笑科目人皆不識字
寒夜澁懷園步月

幽人夜吟一燈擁明月來窺入窗孔清景撩人眠不得
起步空林力賈勇流澌已涸澤腹枵殘雪未消山背腫
萬株枯樹無一葉似鳥畏寒翻去衲濕衣無聲霜華下

甌北詩鈔

七言古一

六

暗結冰稜磴滑踵此時世人盡酣睡蒙被家家蘭裏蝨
清寒只我與嫦娥天上人間兩不情興來登山發長嘯
喝退浮雲不敢湧林魑亦駭此狂生潛伏深叢盡驚恐
惜無人送半臂來不覺雕仙兩肩聳歸到虛堂清不寐
坐看庭階尙潑汞

清興獨絕德廢

德州南有地名夾馬營查初白詩謂卽宋祖所生

地而以不能克復燕雲致鄉社拋落邊鄙曾不

如漢高之統有燕代詩中有微詞焉按宋紀太

祖生洛陽夾馬營張溟雲谷雜記及孫公談圃

亦云是夾馬營在洛陽此地特名偶同未可牽

合又揚誠齋揮塵錄謂南京應天寺本後唐夾
馬營大中祥符二年以太祖所生地建寺錫名
其說稍岐然宋南京乃今歸德府亦非德州地
也詩以正之

德州城南地如赭河畔有營名夾馬詩人曾賦宋遺墟
謂是發祥丹陵野我聞藝祖生洛陽紅光燭天騰異香
御極歸來謁桑梓舊埋石馬猶舍旁戎服登臺射弧矢
矢所落處昌陵起千秋魂魄依故鄉不比歌風悲沛里
是知生葬皆西京莫向平原覓遺址豈煩雞犬新豐移
肯使樓桑敵境委隔河雖是遼提封其時耶律亦正雄

隴北詩鈔

七言古一

七

君不見乾柴入烟讖終驗熟鏃翻餅語竟空病龍臺邊
返車駕拒馬河上棄甲弓關收飛狐復被陷城見掘蟹
旋罷攻由來燕雲氣尙隔天之所限人無功陳橋戴後
削僭僞已并諸國宅土中封椿庫擬換幽薊志豈一日
忘混同漢高亦未矜冒頓寧遂因此虜英風不揣時勢
輒懸斷毋乃目睫論未公先生登高故能賦懷古情深
動遐慕爭墩偶忘謝公先疑塚幾被曹瞞誤才人往往
好逞才得題不暇攷典故

登金山塔頂放歌

生不能挹浮邱袂拍洪崖肩又不能隨列子御風行冷

然黃塵蹶躅日奔走安得矯首凌雲烟我過金山凡五
度昨歲始一登又逼白日暮不及憑高暢遐顧今朝乃
到浮玉之頂來遊目四矚心爲開寥空飛鳥盡在下青
冥誰掃無纖埃不知上距大羅天邊尙幾里但覺繁星
磊落可摘三兩枚海門東去望不極混茫一氣雪浪堆
此中卽是瀛洲方丈兼蓬萊尻爲車兮神爲馬忽如山
僧出定遊九垓回視憑欄之我但肉胎臨江下瞰復殊
狀塔身如卧江濤上倘逢罡風獵獵吹我落不免竟入
魚腹葬振衣忽長嘯平生空負狂五嶽未遊一遇險心
已惶何以更向蓮花峯頭挽鐵索天台山上度石梁不
甌北詩鈔

七言古一

八

見古開士懸崖撒手凌蒼茫浩歌未終日將夕闍黎邀
我飯香積半龕夜借蒲團眠滾滾濤聲撼枕席脚力已
盡典轉雄題詩驚破蛟鼉宮聽取天雞鳴時擬再上要
看五更日出扶桑紅

漂母祠

淮陰生平一知己相國鄧侯而已矣用之則必盡其力
防之則必致其死何物老嫗偏深沉能於未遇相賞深
吾哀王孫豈望報此語早激英雄心布衣仗劍試軍職
寧但重瞳不相識將壇未築官連敖劉季亦無此眼力
何況區區亭長妻固宜蓐食私鹽羹客來轆釜似邱嫂

飯後打鐘如閤黎。獨悲淮陰奇。本古無偶始。終不厭婦。
如手時來。漂母憐。魚運去。媼始解烹狗。

結處警切

保泰

阜城咏古

驅車曉過阜城路。偶翻逸史徵典故。當年曾出兩僞朝。
楚齊先後建國步。

張邦昌劉豫皆阜城人見岳珂程史

邦昌受冊權一時終迫

羣議未踐阼。六等定罪尙可原。其死乃以官掖污豫也。

叛奴讐故主。公然牧馬向南渡。未幾被廢遷臨潢。故里

地有御莊舖程篁墩詩居人不睡劉郎面猶把亭名號御莊

傳聞崇寧全盛時。此

在稱御莊舖。互詔斷支壘。殘地脈逾年。漸覺晦如霧。後
來二豎皆不終。或亦幾先敗厥祚。斯言父老今猶傳。我

甌北詩鈔

七言古一

九

思其故殊未然。秦皇曾鑿秦淮水。擬洩靈孕髡山川。黃
旗紫蓋翻作讖。六朝割據三百年。拓跋欲厭壺關氣。親
巡上黨盤游畋。豈知高歡來駐旅。一戰遂創霸業偏。金
源亦碎蒙古石。作瓊華島徙置燕。一朝元祖入定鼎。其
島適在禁籞邊。從來王霸關天意。水土安得司其權。得
地若便可僭竊。是謂有地而無天。君看二豎忝高位。國
難不扶反自利。已無天理一綫存。地縱不殘豈成事。我
來時正值昇平。往日妖氛久洗清。但覺桑麻景象好。黃
圖三輔拱神京。

戴琬草根鬪蟀圖

戴嵩畫鬪牛尾不縮股牧童笑黃筌畫飛鳥頭足並展
弋人請乃知體物未甚精名手往往往失其名何哉此圖
兩蟋蟀意態都從拘怒出其一剽疾性命輕雙股屈鐵
作力勃陣前聞罵周陽五單騎突出誓捉生矯如秋鷹
掣韝去落處定有毛血驚其一蓄勢伏不動側腦凝眸
伺罅縫高蹠城孤堅壁守楊劉渡險夾寨控偏於靜若
處女時陰鷲已具脫兔用蓼花根下雄二豪赤身搏戰
無弓刀一手掌地殺機起天色慘澹風蕭騷豈有封侯
到蟲達爲誰博進爭功高畫家九朽始一罷如此寫生
孰方駕豈曾諦視戲金盆或半閒堂翫清暇全神注入
甌北詩鈔

七言古一

十

蟲身中不覺蟲我兩俱化何異龍眠李伯時馬腹投胎
情不怕戴生供奉宣和中臂肱曾封御筆紅當時真跡
已難得何況流傳到今日鯽魚口裂古絹紋更非臨自
他人筆珍藏亟入枕函秘還恐夜深喧窅窅

生動警刻吳道子畫所不到舟

題肅本淳化帖

淳化天子盛文物愛古墨寶勤搜羅摹之秘閣棗木板
侍書王著精編摩世惟此帖刻最古亦惟此帖刻最多
當時禁本已難得潭州絳州石各磨泉汝臨江利州路
後先鈎勒校磔波紹興又鑄國子監神理漸失招詆訶

何況近代屢傳刻一佛化作千百魔譬如畫家寫生法
須見美人描翠蛾後來人去但畱畫翻從畫裏求嫦娥
曷怪形存意態失甚或新婦變爲婆傀儡索然生氣盡
劣到假面方相儼此本傳自明肅府憲王跋尾無淆訛
明祖當日封愛子錫鎮國寶傳山河龍膽壺搜碧澗島
鳳喙卮採丹山阿就中銀錠帖第一垂之竹矢兌之戈
錦暉繡褫白玉匣重逾介圭綠緞綱文孫雅意惠來學
妙選賓友相切磋百四十四富平石鏝成肥瘦心手和
中藏筋骨有盤鬱旁出鋒穎無沓拖大壑泉奔渴騏驥
新礪劍斫生蛟鼉古意尙可燈取影成法未煩斧伐柯

甌北詩鈔

七言古一

十一

較他裝潢碑洞物相去奚啻萬稗禾傳聞平涼昔叛亂
欲作礮石守賊窩有僞官以詭詞對得免迸落荒山坡
始知名蹟良足貴雖非文士亦護呵緊余臨池學故淺
空買石硯研灘哥忽購得此喜過望晴窗一日三摩挲
響搦不辭揩眼暗畫肚時復坦腹幡追摹鎌鏗透側理
展拓筆力書擘窠所嫌腕弱但塗蚓敢詡墨妙堪籠鵝
數典聊爲誌緣起傑句殊愧石鼓歌

食田雞戲作

貧官日咽酸鹹羹忽聞廚頭將割雞亟呼爨婦問特殺
並非羽族鷓鴣鳧乃是一羣脰鳴種縛來輩輩指爪齊

惜哉皮已去青暹黃蠅無由稽於焉商食單芼薑萍酒
醯速趁出斂熟芬烈朶我頤不暇致詰官與私遑問東
行者雄西者雌就中兩股尤瑩潔想因跳躍暢在肢解
馨出肉淨無骨雉臆作脯肥不脂有客輟箸前致辭此
豈足供口腹資其類雜虺蚘其性汙草泥有時脹作白
出開彭亨大似董相臍曾聞長吉食之瘦寧免形如飯
顆杜拾遺我笑謂客不必疑請爲數典語客知嘗攷康
成註蝸氏上供御食始漢時周官蝸氏註云今御所食蛙也并偕羔兔薦宗
廟丞相擅減且被譏粵人更嗜疥滿背相戒勿脫錦襖
披抱竿羹成誇大饗貴過斑鷓玉面狸由來雋味在翹

甌北詩鈔

七言古一

三

肖何用猩脣糴炙熊蹯膈君不見鼠名家鹿漬以蜜蛇
字茅鱗剔作絲土筍登盤卽曲鱔翅鰕入饌維螽斯况
茲申潔水樂令濟饒都尉職所司輪困雖同蝦蟇醜孳
孕實共鮪魚滋與其去聒焚牡蘗何弗侑飽炊屨屨如
客所言太拘忌毋乃井蛙之見陋可嗤

游戲爲文波瀾層出
足現腹笥便保泰

行圍卽景

虎槍

白褂朱纓虎槍客手執長槍尋白額長林豐草何處尋
幸其出沒有常跡入山偵視得其處乃伏叢薄密伺隙
數人山後驅虎來虎亦驚走向藪澤伏者挺槍當其衝

人虎此時共一厄。注目槍尖不看虎。但看槍尖一片白。
知是虎磨非虎脊。舉槍便刺不更擇。虎哮而起死相格。
人虎空中互跳躑。斯須攢刺虎不支。拘怒賫恨洞胸膈。
馱歸獻獲。帷宮前臊氣薰。蒸血狼籍中涓傳。

旨催賜金孔雀修翎長。一尺亦有身手遭。虎傷重者肢
體輕。膚革吁嗟此獸誰不畏。乃獨以虎爲職役。職虎遂
與虎爭命足徵。國家威令赫。豈徒力過斬蛟勇。實乃
心比當熊赤。以死奉職不敢辭。此意真堪使赴敵。

相撲

以手相撲名曰布庫卽古角觝之戲

黃幄高張傳布庫。數十白衣白於鷺。衣纜及尻露。襦襦

甌北詩鈔

七言古一

三

千條線縫十層布。不持寸鐵以手搏。手如鐵。股足鐵。鑄
班分左右以耦進。桓桓勁敵猝相遇。未敢輕身便陷堅。
各自迴旋健踏步。注目審勢曉不交。握拳作力筋盡露。
伺隙忽爲疊陣衝。擣虛又遏夾寨固。明修暗度詭道攻。
聲東擊西多方誤。少焉肉薄紫交紐。要決雌雄肯相顧。
翻身側入若擘鷁。拘肩急避似脫兔。垂勝或敗弱或強。
頃刻利鈍難逆睹。忽然得間乘便利。拉脇摧胸倏已仆。
勝者跪飲酒一卮。不勝者愧不敢怒。由來角觝古所傳。
百戲中獨近戎務。技逾蹴毬鍊脚力。事異拔河供翫具。
國家重此有深意。所以習勞裕平素。君不見教坊子弟

也隨行經月不陳默相如。

跳駝

趨足者躍過駝背

明駝身高八九尺人欲騎之駝屈膝是誰捷足矜跳騰
曲踊能向駝身越如丸脫彈決而起如水經搏躍而出
翩然騫過駝背來不著駝毛一毫忽自起至落二丈餘
到地植立仍不蹶老駝不解人何故似騎非騎歇非歇
但見背上雙鳧飄捷於猿猱健於鷗海上漫傳着翅人
軍前已掩拔距卒緣棧定覺履險平攀堞會見先登疾
得非曾住深山中日從劍仙學鍊骨旁觀咋舌咸歎詫
駝背有峯高突兀昔聞超海今超山怪事應補諾臯闕

甌北詩鈔

七言古一

十四

馳馬

番少年騎馬廿里外聞營中
駭聲疾馳而來先到者爲上

生長戎番事畜牧騎射精能擅所獨許馬筵前獻技來
不賭身強賭馳逐結束鞍轡捨鞅絆要使兩足膠馬腹
距營廿里按隊排屹立不動力預蓄忽聞營中駭一聲
齊著先鞭鬪誰速平蕪草淺無纖塵四蹄如風雙耳竹
可憐此人與此馬併作一軀但異肉線蛇迅掣閃電光
餓鴟連叫離弦鏃不及兩刻已到營訕然而止若槁木
賜之斗酒一彘肩下鞍拜受神何肅噫嘻乎戎騎自古
利馳突中國所以每被蹙昔以此技窺邊陲今以此技
效臣僕足知盛朝德威大鞭撻四裔無不服莫漫誇

他罄控嫺正是

廟謨駕馭熟

套駒

兒駒三歲未受羈。不知身要爲人騎。跳梁川谷。薈原野。狂嘶慙走如驕兒。驅來營前不鞍轡。掉尾呼羣共游戲。旁看他馬困鞅。約自以蕭閒矜得意。誰何健者番少年。手持長竿不持鞭。竿頭有繩作圈套。可以絡馬使就牽。別乘一騎入其隊。兒駒見之欲驚潰。一竿早繫駒首來。舍所乘馬跨其背。可憐此駒那肯繫。愕跳而起如人立。如人直立人轉橫。人蹶而騎勢真急。兩足夾無爰。上鈎

甌北詩鈔

七言古一

五

一身簸若箕。前粒左旋右折。上下掀短衣。亂翻露袴褶。握鬚伏鬣何晏然。銜勒早向駒口穿。纜穿便覺氣降伏。弭帖隨人爲轉旋。由來此物供人走。教駝非誇好身手。驟施不嫌令太速。利導貴因性固有。

題新詩新可備國朝典故

題王摩詰渡水羅漢圖

一僧誕先登彼岸。芒屨未著露兩胛。一僧半渡波沒膝。回視後僧尙隄畔。倒持鋤杖來相援。後僧手接若魚貫。凌兢似怕一失足。水作醍醐頂中灌。連尻結股。鉅蠖行尺步。繩趨不敢亂。臨池瞎馬夜愁蹶。聽冰老狐春懼泮。是何緇流有底急。不待船來葦間喚。我聞釋氏妙變化。

寶筏能引迷津斷。乘杯過河駛。往還踏蘆渡。江狎滯。昨胡爲此獨憂及。溺帶水拖泥背。淡汗豈因皺。面觀河悲。恰似繫腰向井看。應知畫師意。匠剝別契禪。真托豪翰。貌出溪邊老古椎。敬慎不作散人散。嶮眉傳是右丞筆。年深絹素已漫漶。旣無思陵妙題跋。亦少後郵精論斷。志雅堂雜抄松江鎮守張萬戶家藏王維渡水僧圖有宋高宗御題又劉後郵集有跋王維渡水羅漢圖此幀俱無或係臨本也丹青眞贗那得知。厲揭神情獨可按。空門久已外生死。猶自臨深存畏憚。卽事足悟垂堂戒。絕勝貫休畫羅漢。莫矜寶繪供香嚴。好挂虛齋澄水觀。

哈密瓜

甌北詩鈔

七言古一

共

甘瓜來自燉煌西。重氈裹壓明駝蹄。或長如枕大如斗。覆棚培土法未稽。路遙價貴競珍重。綠膚弗忍刮以饒。副之猶恐太暴殄。截來寸寸成方圭。其中應有汁滿腹。日久暈入紅玉肌。甘芬不數文官果。清脆欲賽哀家梨。惜哉到京已冬節。切處先愁寶刀折。僅堪杯酒佐解醒。未得巾綸効消熱。潤肺雖同咽清露。戰牙不免嚼寒雪。我思此瓜亦熟秋夏期。郵籤萬里到乃遲。色味幸非香荔變。節候已等標梅悲。李廣本足侯萬戶。數奇毋乃不遇時。古來物產可移植。曷弗試種當陽陂。詩陽陂種瓜君不見

蒼葡分根自大食。茉莉購種從波斯。波稜舊爲婆羅菜。

安榴故是塗林枝。高昌葡萄上苑茂。大宛苜蓿離宮滋。
卽如西瓜產回紇。胡嶠出塞驚絕奇。今已蔓延徧中土。
功妙驅暑逾涼颼。可知芸生信蕃變。遷地亦有諧土宜。
阿誰好事姑藝此。未必踰淮橘爲枳。倘同萍實結滿畦。
六七月間涼沁齒。老饕斯時快大嚼。寧羨刷藕調冰水。

題柳如是小像

女假男裝訪名士。絳雲樓下一言契。美人肯嫁六十翁。
雖不鬚眉亦奇氣。妾膚雪白鬚雲烏。伴郎白鬚烏朋膚。
肯同搽粉稱虞候。并陋持門勝丈夫。扁舟同過京口泊。
桴鼓金山事如昨。何代青樓無偉人。可惜儂家貨主惡。

甌北詩鈔

七言古一

七

早聞譙叟寫降箋。不遣朱游和毒藥。妾勸郎死郎不磨。
妾爲郎死可自憑。褚公偏享期頤壽。毛惜終高節俠稱。
三尺青絲畢命處。尙悲不死在金陵。畫圖今識春風面。
果然絕代紅粧艷。誰知膩粉柔脂中。別有愛各心一片。
君不見同時卞玉京。心許鹿樵事未成。旋適貴人爲棄。
婦流離含淚畫蘭英。又不見顧眉生。榮華曾擅橫波名。
當其夫婦從賊日。捧泥塗面逃出城。一樣平康好姿首。
青青終讓章臺柳。

河東君知已校

苦熱

吁嗟乎天胡爲乎慘降此炎赫。去秋不雨至今已將十

弦魄雷公伏藏。雨師遊。惟有織烏當空。恣騰擲。歎陽暎
睽森角芒。不作濕蒸作乾炙。百川泉眼蝸涎枯。千里土
脈龜兆圻。赫熹餘威。竟夜不肯散。繁星皆絳月。不白有
時微雲黯。點似欲雨。忽然化爲冷。冷之風去無迹。蒼霄
如鏡無一罅。何處得以洩。涓滴翻嫌女媧當口太多事。
何妨聽其漏天而必補此一卷石。繫我苦熱坐煩鬱。寓
齋數椽地。又窄。渾身忽遭入甕煨。束手慘受烹鼎厄。白
汗翻漿。浹胸背。赤瘳成粟。徧膚革。聊同禪子日掩關。迄
如病夫晝脇席。遙望晴空萬里正蕩蕩。上天下地無處
不是赤燄積。我於其間。渺如滄海粟。奚啻此爐燎毛立。

甌北詩鈔

七言古一

六

見作人。腊沉吟掩卷。忽自笑。書生脆弱真不耐。煎迫可
憐心冷如冰。尚中熱。何以處。夫病於夏。旺之熱客。

題唐明皇馬上擊毬圖

天寶昇平徧四隩。先幾未兆銜花鹿。九華殿已舞羽衣。
千步場兼習皮毬。誰其從者一貴妃。又韓虢秦三阿嬈。
禁烟初過賜薪火。平明結束黃金羈。古人梳革蹴以足。
此獨馬上用杖撲。杖頭紅拂妙轉旋。左撥右挑工起伏。
一球突出廣場飛。君王控騎先追逐。錦鞵玉勒四蛾眉。
齊着珊瑚鞭。鬪誰速。遊龍戲珠爭奮爪。流星趁月難瞬目。
奔馳將及忽折回。一拂驅之往而復。是時美人更逞姿。

翩若驚鴻翥平陸回身或疑薛夜來反腰直比孫荆玉
興酣樂極日西斜墜履遺簪紛可掬至尊含笑策奇勳
餅金斛琲輦來分直自平陽公主後又成一班娘子軍
官中方演白打技塞上亦演超距戲一旦漁陽鼙鼓來
驍騰卽用趕毬勢可憐鍊就走馬工只供倉皇避賊計
嗚呼一翹區區何重輕江山遂入袞弄傾始知五色毬
空好不及千秋鏡最明

贈相士彭鐵嘴

古人相法相心曲豺聲忍烏喙毒鳶肩躁牛腹驢初不
專以論禍福論之實始周叔服由也不得其死然孔聖

甌北詩鈔

七言古一

五

亦似據此卜自後唐舉及呂公下至麻衣道人柳莊翁
一十七家術愈工我思人面各一尺就中列五官雙者
自雙隻者隻位置未聞有變易何以千百無一肖此實
化工示奇迹相者因之測天咫固應巧中若著策彭生
挾術遊長安一朝名動公卿間終身能以立談判自稱
鐵嘴無欺謾生乎吾語爾從來驗者可屈指髡黥或眞
王將相或餓死眉長過睨文譽高耳白於面盛名起骨
如多遜具貴徵目似王敦召禍始一雙鬼眼少宦達半
箇軍頭終竄徙斯皆經驗方操券可比擬然而按舊譜
有時亦錯迕褚蘊從理竟温飽庾夔豐頤乃貧窶徐陵

宜天享耆耄。柳渾宜賤躋。台輔此又何處差。毋乃術莽
魯。何況李嶠壽在息。元忠貴在怒。倘非值其睡。酣與色
變。憬藏天綱也。坐誤感生爲我論。窮通問生此術會否
精。研窮不然若。但矜皮相對鏡。我亦能自量。幸免鼠目
求官譏。本無燕領封侯狀。猶束骨未名。殃脣不著齒
或招謗。豈望眉間黃上來。聊守鼻端白無恙。

淵翻不窮

于闐玉歌

驛馬奔車汗流足。將軍遞到于闐玉。大小磊落三十顆。
生牛皮裹牢結束。自作截肪青蔚藍。瑩澤皆如水新沃。
觚稜初曉肅。奏進光映朝霞炫。人目此邦遠。隔玉關西。
甌北詩鈔

七言古一

三

洪荒以來未內屬。崑崙西流入其境。分三玉河烏白綠。
見平居誨于
闐行程記少時讀史疑天外。何處西域三十六。張騫使節

空經臨。呂光兵威未降。伏豈知今日入版圖。周索新帙
過身毒。此玉遂充方物貢。水漲撈來不煩督。足覘我

朝德威溥。地盡九垓悉。壽育君不見天寶初。載索西費

興師勃律。武功黷。裹糧轉戰四萬人。海激成冰一朝覆

見西陽
雜俎

又不見大觀年間造八璽。遣使往求幣。滿篋答書

竟號獅子王。國寶雖成國體瀆。
見游宦紀聞
皆于闐玉事卽今細載來輪

蹄。習見翻似豐年穀。試披往牒徵典故。此事古來見者

孰傳之史策。垂無窮。應笑漢家侈卮竹。

觀回人繩技

走索之戲晉樂志及文選注謂以繩繫兩柱入行其上
是其索乃平繫也今內地有能之者回人則立一長木

斜繫一繩屬於地步
而直上尤號絕技云

險竿矗天五十尺。拔地孤撐少牆壁。其旁斜出十丈繩。
短杵繫之堅椽石。彩虹影挂寥空高。紙鳶線入青冥窄。
了無階級疊層層。詎設梯枕排節節。誰何健者獻技來。
曷鼻虬鬚眼睛碧。奮足忽如履平地。直上不藉人扶掖。
懸藤裊裊獼猴行。釣絲搖搖蜻蛚立。斯須更進竿頭步。
獵獵罡風迎面拍。觀者睜眙舌盡吐。深愁薑粉碎一擲。
整暇故出一足翹。盤旋或作雙趺結。咿嚵更復操蠻謳。
要使廣場歎嘖嘖。神哉技乃至乎此。肉飛仙人不足嚇。

甌北詩鈔

七言古一

主

問渠遠自回鶻來。戎索新恢就俘獲。勃律天西古不庭。
今入幅員受屬役。絕藝洵過聲。軒駘盛事更勝越。裳譯
太平物色於此徵。莫但看成一戲劇。

贈寫照沈錦

世人論畫重山水花草翎毛仙佛鬼壽人亦只畫古人
寫照雖工固所鄙。豈知繪事此最難。未可憑虛信手擬。
伏勝授經圖摩詰。子敬書裙摹老米。王維有伏勝授經圖米
芾有王子敬書練裙圖但

取神采不取形。苟得其意一掃耳。試起昔人相比對。未
必風貌果如此。寫照乃以人為的。毫釐差輒謬千里。刻
劃模成印板中。玲瓏影取帷燈裏。穠纖相稱配瘦肥。毛

髮欲動。肖悲喜。事兼束縛。與馳驟。依樣葫蘆。豈薄技。譬如拈題作詩文。一縷脈縈微妙旨。多少詩古文辭家。掉頭弗屑。挂牙齒。一朝執筆就繩墨。駕跡弛不成理。乃知傳神阿堵中。慘澹匠心幾生死。會稽沈生秘獨擅。布衣徒步長安市。我來請作壽母圖。時爲家母寫照意思安閒拂素紙。詎須九朽始一罷。頃刻圖成未移晷。懸之粉壁羣聚觀。三尺小鬟亦曰似。信哉茲技有別長。弓人之弓矢人矢。古來絕藝當通都。早晚遭逢名鵠起。會看待詔金馬門。縑素揮成進綈几。時將供事方畧館

翰林院有土地祠相傳祀韓昌黎詩以解嘲

甌北詩鈔

七言古一

五

瀛洲署中坎社鼓社公傳是韓吏部建置本末無可徵。肇祀不知義何取。從來名賢歿爲神。各視生平所建豎。或班侍郎居碧落。或冊真人位紫府。或選閣羅分殿。十或封遮須列爵。五鬼官司命周顛。除太陽都錄魏徵。補白傅已列蓬萊仙。曼卿更拜芙蓉主。况公日星河嶽氣。立朝大節炳千古。絕脈能開道學先。餘事亦號文章祖。抗疏幾碎佛氏骨。從祀不慚宣聖廡。豈宜罰作土地神。坐使淮陰噲等伍。屈宋詎稱衙官職。藥邵翻充皂隸戶。生前磨蝎坐命官。會謫嶺南鮫鱈浦。庸知身後尙蹭蹬。無端又遭左遷侮。鄉先生可祭於社。此地初非公故土。

卽云立社爲樂公公未久修史館簿區區冷官一臠肉
寧足爲公增華廡我來展謁聊解嘲且勿牢騷碩人俣
幸未改塑浮屠像

潮州有公像作浮屠形巡撫郭青螺易以未玉見湧幢小品

儒服依然端章

甫香火祠雖處末僚翰墨緣仍近藝圃猶勝杜陵老拾
遺變作十姨呼阿姥

杜拾遺廟訛爲杜十姨
聖女像見蓼花洲閒錄

一經數典千卷書都到筆
底此豈寒儉所能德麟

贈說書紫鬚鬚

姓真名周士以
說書遊公卿間

紫鬚鬚貌何醜爾頭寒髮面赤癢尚恃滑稽一尺口酣
嬉每逐屠沽博調笑慣侑侯王酒妙撥鴟絃擅說書故
事荒唐出烏有優孟能令故相生淳于解却強兵走有
時卽席嘲座客白演俚詞彈脫手張打油詩豈必工胡

甌北詩鈔

七言古一

三

釘鉸句不嫌苟但聞噴飯蟲滿堂炙輠爭推此禿叟自
言名隸教坊籍燄段曾供宴燕九華清承直知有無唇
舌君卿固罕偶君不見石野豬張浪狗絕技俳優待至
尊斗珠車帛承恩厚如今朝廷絕嬖幸不賜歌伶田
半畝姓氏漫同幡綽黃詼諧聊附敬亭柳

汪水雲硯歌

昔文丞相有硯玉帶生至今四十四字傳其銘何哉復
此一片斧柯石再視天水遺民迹豬肝色映青花斑水
雲小篆文回環更有七言一章章四句自署頑民同石
頑硯乎硯乎當日機速房揮檄草慈元殿寫降表爾幸

未與謀完璧得自保。經鐵筆鏤主恩。擬作魏公遺笏傳家寶。何期臯亭山畔悲笳鳴。蝦蟇更盡三宮行。是時守臣納款宰臣遁。坐視鐘簷移徙銅盤傾。西母愬前老供奉。獨奮九死隨北征。此硯亦復不脛而走來燕京。同隊者萬卷書作伴者三尺琴。爲南冠客供清吟。故國河山同瓦裂。石不能言也。嗚咽可憐不作高漸離。筑擊座寒徒成朱少章。印懷袖執授書木波師。瀛國公學佛。爲木波講師。酬韻王昭儀。水雲有和。王昭儀詩。想當擗管濡毫時。蟾蜍滴淚和墨研。淋漓卽今五百年來不知幾。易主一雙鴛眼猶似含漣。洎從來離黍滄桑際。多少淒涼難盡誌。往往或托一人載一

甌北詩鈔

七言古一

五

器翻抵東京。夢華西京記。君不見咸陽宮中鏡一奩。開元年間錢半字。觀者輒爲談遺事。况茲孤臣手澤存。忍弗什襲棄藏。亟標識我爲作歌。告奕世不同武林舊事。金暎羅應比汝社詩人竹如意。淋漓頓挫可與竹比。玉帶生歌。並傳而結句更覺健舉。保泰。

王貽堂編修邀客陶然亭而不及余。余是日獨游。

適至遂入座兼訂法源寺看海棠之約。

經旬閉門不可耐。一壺酒掛。僮奴背城南野路。确犖行破車聲如老翁。欬尋幽遂到黑窰廠。忽遇掩關但犬吠。疑有貴家姬妾遊。不許旁人見。眉黛圍扇難爲看。竹袁興盡欲作迴舟戴。無端扉啓肅客入。一笑原來是我輩。

似慚折柬不我招。肯復揚觴塵人退。客以不速倍合歡。
酒惟無量自擇對。侑歌雖無二八粧。具饌不數三九菜。
狂來髮或植如竿。酣處胸已澆。無塊地高一徑有。曲折
亭敞四隅少隔礙。城上探出西山頭。似向鄰牆窺醉態。
纔離人海境。便清始覺市塵塵。果穢乞醬得酒真。太賒
得隴望蜀不嫌再。春風計日到海棠。預約祇林重結隊。
連日筆墨應酬書此一笑。

詩非苦心作不成佳處。又非苦心造縱窮閭。兩搜元珠
不過寒郊瘦賈島。粉蝶雙飛桃李春。雄雞一唱天地曉。
偶於無意爲詩處。得一兩句自然好。乃知茲事有化工。

甌北詩鈔

七言古一

五

琢玉鏤金漫施巧。如何一管秋兔毫。立課分程日起草。
言情篇什貴雋永。豈比宿逋可催討。假啼那得有急淚。
強笑安能便絕倒。君不見倩人搔背不着癢。枉費麻姑
好指爪。

題袁止所主政我我周旋圖

佛說有化身易言貴觀我君。乃獨取蒙莊書寫此一對。
解衣磅礴躑躅既非形影神。句問答頻亦非千百億。軀示
現駭無端入畫一。而二一端正相一偏頗。初疑高人對
奕間。又疑雅客晤談叻。豈知不得生區別。左者卽右。右
卽左。問君何事弄狡獪。幻出人間兩么麼。君獨不聞人

之大患在有身如蠶作繭自纏裹笑君一身難了又一身不知何時可以脫羶鎖

上元後一夕同兒輩市口看燈

昨宵佳節天大風市頭燈火一掃空今朝無風天色好
滿街人沸月影中兒曹牽衣喜相告出門要看紅燈紅
對之那能卽嗔喝聊與命駕菜市東置膝自抱我誠癖
上車不落渠自雄發豪教猜春謎字遠咻引避市語訖
倘逢相識見應笑如雞鷄雛在一籠中年漸多兒女愛
已無大志立事功竿木逢場且作戲閒情聊托兒嬉同
却憶倚閭人望我亦如我愛諸孩童

甌北詩鈔

七言古一

美

題長椿寺九蓮菩薩畫像

城西南寺名長椿中有寶繪姿天人貴極重闈禱翟賤
誠皈依乘戒衣尊當日隆稱觀自在至今遺像儼生存
從來母后當冲帝每利莠孤擅神器女中堯舜有幾人
朝端平勃愁無計賤婢驕稱中大人權閹寢侈十常侍
太廟祠披袞服臨外家臘改黑貂祭鶴將木刻寵新歡
彘以人爲讐舊嬖飄絮猶歌揚白花摘瓜幾盡黃臺蒂
獨有前朝家法嚴尤推孝定性恬恬恐幸末命黃羅托
不慕朝儀紫袖瞻政委相公批勅尾課勤幼主讀書簽

經筵進講親催盟曲部聽歌痛示矧期屆大婚移殿早

禮尊正嫡過宮謙和熹應愧常稱制光獻猶多一撤簾
國儲未定妖書起官家汝亦都人子從此青宮有所歸
一語勝他千御史璇室褪躬四十春九蓮菩薩本前身
漢家賢母師黃老今奉如來亦淨因湧現化城輝紺碧
莊嚴香界布金銀要令人識清修業特賜禪林法相真
着色生綃閭立本白描神筆李公麟想當玉軸頒來日
繡織珠旛溢九闔諸佛也應投地拜榮光萬丈耀金輪
轉眼孫曾遭百六丹青也入滄桑錄蓮花世界滿刀兵
貝葉經堂橫血肉可憐萬里好山河無地可懸圖一幅
社飯誰還念老身僧寮聊復存遺躅深谷高陵何代無

甌北詩鈔

七言古一

七

徽馨終自冠椒塗道清死免僉名辱鈎弋生偏享福殊

來自西天乘風羽

是時禁中建九蓮閣塑菩薩像跨一風而九首見揚旆岫玉堂文會說

去歸南海比

龍胡慈容滿月零縑在羞殺臨朝武后圖

甌北詩鈔七言古二

陽湖 趙翼 雲崧

途遇大雪

先生身將作火鼠。去向炎方嘗溽暑。豈知寒酸緣未斷。
還須歷盡冰霜阻。征途連日朔風厲。曉來風止稍和煦。
化工何處萬剪刀。剪出玉蝶滿空舞。又疑揉碎華鬢雲。
噴下層霄壓九土。混茫直泛洋伶仃。晃眩豈辨谷子午。
世界幻入兜羅綿。恍見洪荒萬萬古。青山未老白頭催。
枯樹不花素霓補。墮地無聲膩若烟。伺隙善入狡於雨。
絕無人跡難問途。見有漁舟始知浦。壓馬真看有塵背。
甌北詩鈔

七言古二

一

墮車或不慮。折股先生畏。冷又畏濕。亟下輿。帝塊獨處。
如曷。旦鳥寒自號。比紇干雀凍。不語此行正要。褰幃帷。
翻閉巾車作處女。
倩妙乃爾故

五人墓

駕帖來逮吏部。吳民號旂尉怒。大聲呼囚。趣對簿。誰何
健者揮老拳。狐鼠紛紛竄無路。博浪一椎。全秦動。北軍
盡袒。諸呂懼。豈惟激變事可駭。縱騎從此不出捕。君看
德陵晏駕時。奸醜薰天勢已固。點將錄早打網盡。頌璫
祠皆向火附。詎有蕃武收黃門。并無訓注謀甘露。縱換
九錫盜神器。中外臣僚孰枝梧。正慮草澤有君等。或起

義旗挽天步。奸謀坐是。不敢發信。郎從容來踐陣。乃知此舉功實偉。又延十七載。國祚我來懷。古過墓旁。彷彿生氣尚盤互。相傳地卽普惠基。幻出神奇。從臭腐媚奄。翻奉擊奄人。蟬綏蟹筐。理難悟襟。山帶水一佳城。卜吉者誰毛一鷺。墓近卽普惠祠毛一子才此題亦有一首專以偏勝勝此從驚所建以頌瞻者也大處立論故是堂堂正正之旗幟

岳忠武墓

背鬼軍來敵鋒避。撼岳難撼山。易樞密使罷賊疏。彈縛虎易縱。虎難宰木蒼蒼。向南拱。此是改葬祁連塚。祠前已植分屍檜。明同知馬偉所植更鑄烏金長跪竦。都指揮李隆所鑄卻憶圍

甌北詩鈔

七言古二

二

定柑劃皮鐵椎郎。君戮都市銀瓶弱女投。井溜全家簿錄赴嶺表。僅有獄卒潛瘞尸。隗順百戰不死死牢戶。從古

冤禍無此奇邪。正由來冰炭異。奸臣逞毒何足計。獨怪思陵非甚暗。曾寫精忠鑿素志。是時權相日向淺。未至鞞刀嚴戒備。言官誣劾韓良臣。猶能力持格羣議。胡獨於公任羅織。自壞長城檀道濟。千載人思贖百身。當年獄竟成三字。乃知風旨本朝廷。爲梗和戎亟拔釘。可惜垂成功八九。少緩須臾兀术走。生平誓踏賀蘭山。未飲黃龍一杯酒。空令數天抱冤憤。愜復初心豈願有豐碑。突兀西湖濱。孤忠雖雪志未伸。有時風號怒浪起。猶似

熱血蟠輪囷

鬱勃頓挫岳墓詩斷無有出其右者保泰

大石佛歌

是誰鑿破山骨裂幻出如來身半截淨磨頑石生面開
剜空危崖全軀突昂藏十丈端正相憑高氣欲俯一切
盡雲紺殿僅可容聳翠遙峯迴相埒耳輪縱未廣成市
指節已看粗似稅繫腰豈但十圍帶束肚知費幾許篋
伸脚恐踏杭州城法座不琢脚踏結巨無霸頭大枕鼓
狄僑如睂高見軼相形尙覺成侏儒何況焦僂等蠓蟻
我聞佛教色卽空真諦不在崇像設華嚴樓閣彈指現
陶輸世界隨掌擲斯特維摩寓言耳廣長舌豈論尋尺

甌北詩鈔

七言古二

三

胡爲翻事捫籥求作此狡獪傲鳴嚇粵稽象教本西來
休屠金人著史策真形繼入漢帝夢塗像旋起竿融役
兒後漢書陶謙傳此實莊嚴佛事之始爾後踵襲遂流播土木莊嚴日顯赫或摹

法相雕梅檀或范慈容鑄鐵或同黃胖搏泥成或被
蘇扛爲銀竊鏤牙刻玉矜貴重撚蠟燒瓷鬪奇闢爭新
炫異無不有最大莫如斲山石僧護鑄苗寶相寺曇曜
鑿出武州壁六十快牛拽不動十層峭閣蓋還窄額珠
量可八石容慧燈油須萬盆炙此地秦皇纜船處相傳
下通海眼碧宣和異僧思淨發誓願奇觀遂矧碩人碩想
見懸空施斧椎剗功深歲月積妙讚猶傳甄生句南宋魏龍

贊巧塑不數楊惠蹟。我來瞻禮一調笑。麗然其大究何益。倘灌醜。酗須萬斛。若製袈裟。要千帛。持履歸難寸步移。乘杯渡。恐連頂滅。寧復手作兜羅軟。安有毫映琉璃白。徒負擎天柱。地形欲以皮相誇。雄傑得無遜佛亦貌取。固將以此爲巨擘。

每於微引處實弄家貴實亦由腹筒便便故絡繹奔赴故

陽朔山

昔聞陽朔山自非打人脣綻齒折不得見我今却因典郡來看盡峯巒勢詭變扶輿氣入南條漸嵒窳瘦出青辱一片皮不裹骨石崖巉吾可入喉穴漏穿去聲蒼根拔地起突兀削鐵孤撐絕旁緣去聲或如靚女擁高髻或

甌北詩鈔

七言古二

四

如武夫戴峩弁或挺而立忽拘項或偃而走又仰面或翹駢拇歧有枝或露鬣頂禿無鬚肆帆或負負鼉碑空嵌或鎖支祁鍊直或哮虎尾能豎曲或怒牛角堪戰上豐下銳或卓錐節斷身連或累甕肖形想各有名字不暇一一詢士諺但覺無數青螺螭撒來倒插江岸徧又疑機括發地弩仰空激射千枝萬枝箭惜哉劍南樵客井西道人俱未到誰寫奇峭入素絹胡爲世眼無定準憎者詆謔愛者羨談不容口楊侍郎除官南來詫榮選或言兩頭之蛇千仞翼一錢不值人所賤我爲平心主公論銖兩默較嚴最殿蘊藉殊少雅人致刻削亦類高

士狷石不能言。應點頭真面。匡廬乃全現。

過昭平峽

順流方駛忽艤舟。云有急峽在下頭。經旬積雨今幸霽。
肯聽柁師輕逗遛。一鞭驅之速拔棹。岸上人呼開不得。
開不得已難繫渴驥奔泉脫。銜轡忽然入峽勢。迫束萬
壘盤渦滿江沸。水如強弩將柁送。石似怒牙向船伺。千
丈深有蛟龍饒。一綫窄防劍矛利。至此慙然始懼色。上
不到天下無地。坡公已駭無射鐘。幼安并愁不冠廁。渾
脫水帶那及儲。急取朱書神禹字。渡水者以朱書禹字在手則不溺見釣磯立談五石
漫思大狐浮。一壺安得中流備。手持艖門三尺板。設有
甌北詩鈔

七言古二

五

不測惟此倚。斯須出峽波。稍平柁師酌酒來。壓驚官是
未經風浪惡。勸官遇險勿趨程。噫嘻乎人生用壯信。易
敗書紳謹誌瀧吏話。忠臣雖有此馭時。孝子須念臨深
戒。

樹海歌

自下雷州至雲南。開化府凡與交趾連界處。八
百里皆大箐望之如海。爰作歌紀之。

洪荒距今幾萬載。人間尚有草昧在。我行遠到交趾邊。
放眼忽驚看樹海。山深谷邃無田疇。人烟斷絕林木稠。
禹刊益焚所不到。剩作叢箐森遐陬。托根石罅瘠且鉅。

十年猶難長一寸。徑皆盈丈高百尋。此功豈可歲月論。
始知生自盤古初。漢柏秦松猶覺嫩。支離天矯非一形。
爾雅箋疏無其名。肩排枝不得旁出。株株擠作長身撐。
大都瘦硬幹如鐵。斧劈不入其聲鏗。蒼髯蝟磔烈霜殺。
老鱗虬蛻雄雷轟。五層之樓七層塔。但得半截堪爲楹。
惜哉路險運難出。僅與社樸同全生。亦有年深自枯死。
白骨僵立將成精。文梓爲牛楓變叟。空山白晝百怪驚。
綠蔭連天密無縫。那辨喬峯與深洞。但見高低千百層。
併作一片碧雲凍。有時風撼萬葉翻。恍惚諸山爪甲動。
我行萬里半天下。中原尺土皆耕稼。到此奇觀得未曾。
甌北詩鈔

七言古二

六

榆塞鄧林詎足亞。鄧尉香雪黃山雲。猶以海名巧相借。
况茲蒼翳徑千里。何啻澎湃重溟瀉。怒籟吼作崩濤鳴。
濃翠湧成碧浪駕。忽移渤澥到山巔。此事直教髡衍詫。
乘籃便抵泛舟行。支筇略比刺篙射。歸田他日得雄誇。
說與吳儂望洋怕。

響水塘

深山銜飀殷雷鼓。人馬不敢獨行跼。不知聲從何處來。
但見晴天灑白雨。天下瀑布皆下垂。茲獨仰歎向穹宇。
建瓴萬斛方急落。有石觸之怒於虎。驀然騰出三百尺。
雷響萬矢發地弩。渾疑神龍下取水。倒捲江湖滿空吐。

小者如珠大如雹。激射寧煩枯棹尾。濕氣滃似烟濛濛。
碎沫濺成霧縷。力殺去聲乃漸斜。飛下忽又拘。作迴波。
舞。有時天風來。戛之飄過隔峯點。三五噫嘻乎。誰將珠
玉唾。九天亂落星河日。卓午人間乃有過。潁水水經狹
陋。弗及譜。不因于役走遐荒。奇景何由快目睹。

娘娘叫狗山

上有廟塑一老嫗
又鑄銅犬于旁

蒼松參天山。拔地孤雲一。握崇祠倚中。有仙姥。趺坐深
黃耳。鑄銅案旁。侍相傳武侯昔南征。夜迷失道絕探偵。
忽聞此姥一呼犬。尋聲得路始度兵。茲事史策軼不睹。
像設莊嚴非無故。宛如獨母撫鵠倉。莫疑帝女偶繫劍。

甌北詩鈔

七言古二

七

獨思公也真。天人繪中羽。扇將略神削。木能爲牛馬。運
壘石。便作蛇鳥屯。天南孟獲小。醜耳謀非仲。達勇豈惇
渡瀘來。宜唾手。取無煩。搏鬼全力振。擒之縱之弄股掌。
何異兒戲軍。棘門豈知當日實。勞瘁手提孤軍入。荒昧
卽此徬徨覓路時。想見深宵不能寐。照夜安得流螢光。
識途已窮老馬智。陰陵或慮漢卒圍。荒谷行愁楚將縊。
若非此嫗爲導引。何異羝藩困危地。功成千古傳美談。
局中之人。幾心悸。乃知古來立事功。未有不出危苦中。
十倍之才。尙艱阻。何況人本非英雄。我來懷古輒稍控。
恰值征蠻兵事動。從軍敢歎身獨勞。料敵端資策能中。

陰符不望驪母傳。方物終期旅獒貢。

易羅池

在永昌九龍山下
池有珍珠泉甚甘

我家住近九龍山。第二泉名播人寰萬里吟。頓到金齒誰知山名適相似。山下亦有泉涓涓。風味依稀比甘美。方塘半畝甃四隅。塘底迸出瑟瑟珠。斜飛直濺千萬顆。碎若泡沫無根株。水底安得風捲入。有時晃漾偏縈紆。輕圓粒粒手可捉。將到波面忽又無。是誰倒插花歎壺。應有地軸轉。轆轤不然驪龍睡。其下領中百琲隨。嗚呼可憐游魚尾。直豎爲吸水根。皆俯趨乃知山空乳滿腹。晝夜不斷流。清映龍泉之亭。跨其上。虛窗不用繭紙糊。

甌北詩鈔

七言古二

八

亭前琉璃三百畝。泉所流出滙作湖。長隄未栽綠楊柳。碧浪已長青菰蒲。迷離烟雨倏迴合。彷彿一幅江郵圖。我來幕府參戎務。官比馬曹聊備數。偶然投罅出城來。拄笏看山輒日暮。閒揀榷槍淪茗嘗。齒頰清芬似甘露。陸羽茶經愧未編。贊皇水遞愁無路。踪跡鴻泥信偶然。故鄉拋却竹爐烟。那知絕域澗滄外。翻試清冷一酌泉。

王將軍拔柵歌

王將軍真丈夫。從征緬甸常前驅。千七百里到宋竇。

竇名

賊柵十六虎。負嵎我槍及柵不及賊。賊柵出槍偏着軀。相持三日未得使。飢鷹側腦需攫雛。元戎下令攻肉薄。

萬衆牆排向前卻將軍是時心膽堅挺身突出爲衆先
不我殺賊賊殺我直騰而上呼震天一人獨前萬人恥
多少健兒總拚死接踵入柵捷若風貪殺不遑割左耳
但見片片霜刀飛頃刻染成血花紫羣蠻有刃不及交
鈍者被砍黥者逃乘勢遂克賊柵四其餘悉遁惟空巢
是時元戎親督戰目睹先登識其面呼來帳下問姓名
飛章亟奏 南薰殿

天子非常賜顏色小校超遷十二級擢官遊擊階將軍
孔雀修翎長一尺三軍聞之權如雷誰不橫戈思殲賊
我聞建德擊世雄乘霧升寨稱奇功又聞隋破高麗日

甌北詩鈔

七言古二

九

有肉飛仙擲自空罕之摩雲百折上開平采石一躍衝
如君矯捷好身手古亦不多今豈有君言非不畏戈鋌
朝廷公道軀甘捐不見古來多浪死沙塲白骨誰爲憐

鬢華山殺賊歌

征緬師回賊躡尾扎營猶距七八里一朝師駐鬢華嶺
賊乃近逼山半眠此賊目中已無我將軍見之怒如火
明晨要與賊死戰人必帶血馬必汗賊久識我軍令明
三吹箏策軍啓行我軍啓行賊亦起接踵來擾殿後兵
詰旦仍吹三箏策銜枚卻伏箏林密涉層賊果漫山來
只道官軍去已畢忽然一礮驚轟雷萬衆突出山爲開

刀如旋風矢如雨賊駭欲退身難回乘高大呼何處走
截殺快於宰雞狗矢無虛發輒貫胸刀纔一揮已剝手
其有漏刃紛逃生前人趾踏後人首是時官軍氣益壯
賈勇疾追窮所向殺死猶少壓死多填滿山溝一千丈
噫嘻乎人間戰功有如此數典古來誰可比叢射龐涓
古樹下生擒乞術二般裏蠢爾緬酋力幾何敢復戴頭
來送死

二詩白描處精神百倍正如史家叙鉅鹿昆陽之戰千載下猶有
生氣德麟

高黎貢山歌

巨靈開荒劃世界奇山驅出中原外聽他豪距蠻徼中
負地掀天逞雄怪高黎貢山路江畔萬仞孱顏插穹漢

甌北詩鈔

七言古二

十

我行起趁雞初啼行至日午山未半回視飛鳥但見背
俯瞰衆峯已在霄雪經烈日晒不消瀑作怒雷吼不斷
每上一層冷一層夾衣旋把重裘換無端嵐氣蒸蘊隆
幻出白霧粥而濃手伸十指看不見何許厚翳將眼封
少焉罡風來一掃了了仍露青芙蓉五十三叅更難上
山巖線路盤旋躡榛莽而真對壁何所叅頭恐觸天不敢
仰危崖石裂藤絡罅老樹皮皴虎磨癢有時栖鶻曼長
嘯是處啼猿發哀響自非人馬結隊行賁育亦怯獨來
往何哉設險有此形得非天以限邊庭豈知氣運有開
闢形勝不得相關局至今漸成康莊坦早有結屋層椒

青層椒青。青日西下。借問下山。尚三舍。解鞍且就茅店。眠驚看繁星比瓜大。

奇境待雲鬆來開生面

夜行大箐中記所見

月黑山深路顛顛。瘴霧鬱蒸胸膈悶。暗箐陰森不知里。馬上凌兢不敢困。怪鳴聲如鬼叫號。山魃影與人揖遜。忽然一陣腥風來。萬木齊哮作濤噴。腰間撫劍聊自壯。背已汗流短衣褪。平明出尋旅店餐。虎爪攫門溪數十。

同璞函遊杜鵑園作歌

騰越之花多杜鵑。杜鵑園更花駢闐。我來戎幕暫無事。况有勝友同流連。相邀聯騎看花去。城東十里地最偏。

甌北詩鈔

七言古二

十一

沿池環列十萬樹。無一雜樹參其間。低昂相映出浩態。爛熳不怕春風顛。竊紅濃紫色不一淺深。乃有六十餘種。相爭妍。不暇細分別。一一索笑嫣。但覺花光高出花頭四五尺。照人不覺紅兩頰。滿園艷彩晃不定。乃在無花之處。烘雲烟。此卽徐熙妙手亦難寫。蘸筆徒費胭脂錢。一隊吳娃肉陣擁。三千隋女錦纜牽。笑他空谷佳人渺。獨立未免寒餓空嬋娟。天寒倚翠袖。何似袞衣炫眼相新鮮。不意絕徼中有此巨麗觀。茲園若量移得占中土地。一阡何減鄧尉之梅雪。成海武陵之桃花。爲源我爲作歌。使之傳毋令長此埋沒南荒天。

路南州食雞蹤

頻年蓐食增減竈牛吼。飢腸苦難療。平憂偶然得蘆菹。
已賽脣。猩與胎豹一朝幕。府謝事歸。忽逢猥人擔上懸。
歲。麩非草非木非果實。兜羅綿軟脂肪肥。問名曰雞蹤。
可食不能飛。呼童買得來。叩茅店扉。豈暇接取廚娘羊。
簽試方法亦未飭。下門生蟹糖議是非。漉之并華水。和
以煮蒼豨。斯須來入老饕口。老饕驚歎得未有異哉。此
雞是何族。無骨乃有皮。無血乃有肉。鮮於錦雉膏腴於
綿雀腹。只有嬰兒膚。比嫩轉覺妃子乳。猶俗此豈菜肚。
老人所敢望。欲傲東坡羹糝玉。若使官膳日具雙。不愛

甌北詩鈔

七言古二

十二

家禽愛野藪。我昔曾讀昌黎樹雞篇。只疑雞鳴上樹顛。
今朝始得餐芳鮮。試爲徵厥類。大者如蓋小者錢。或產
於石。或於土。或於萑竹松杉邊。狀如鳥者曰禽。芝食之
可活數百年。得非仙之人兮。憐我久憔悴。錫我上藥壽。
命。延然而滇中瘴所起。生押不蘆毒無比。今我所食毋
乃是一笑姑聽之。古人有言縱食河魴。值一死。憶昔驅
馬走塞上。曾獲銀盤蘑菇大如掌。何意蠻徼從軍還。復
此雋味得欣賞。天南地北兩奇珍。不是塵勞安得熊魚
坐。兼享獨隣十載走長途。似爲口腹營區區。他年歸作
櫻筍會。好瀹山中紅竹菇。

土歌

春三二月墟場好蠻女紅妝趁墟踴長裙闊袖結束新
不賂弓鞵三寸小誰家年少來唱歌不必與儂是中表
但看郎面似桃花郎唱儂酬歌不了一聲聲帶柔情流
輕如游絲向空裊有時被風忽吹斷曳過前山又嫋嫋
可憐歌闋臉波橫與郎相約月華皎曲調多言紅豆思
風光罕賦青梅標世間真有無礙禪似入華胥夢縹緲
始知禮法本後起懷葛之民固未曉君不見雙雙粉蝶
作對飛也無媒妁訂蘿葛

元祐黨碑在桂林者今尙存沈魯堂太守搨一本

甌北詩鈔

七言古二

三

見示援筆作歌

崇寧四年二月吉臣京奉敕書黨籍首編元祐終元符
所在郡司咸勒石大書深刻何煌煌執政待制分班行
聿從章相初定案七十三人已濫觴子瞻儋州子由雷
分地各就名偏旁茲更增列三百九直空人國無留良
歿者追奪生者竄并禁子孫仕朝堂兼有會持紹述議
亦得附驥分餘光問胡作此一網計衆正登朝我將棄

遂甘鑄鐵錯竟成肯令死灰燼重熾剪除異已期必盡
威福橫行乃無忌太師原是一魔君

徐神翁語見錢氏私誌

謬托左元

仙伯位

林靈素謂京爲左元仙伯見家世譜聞

龍腦烟浮別院香

京焚香從別室透人見悅生隨抄

鶉

羹命賤行廚味

京好食鵝羹鵝乞命見虛谷間抄

比鄰侍女知避名

薛瑩明家婢知避京

諱見燕間常談

天子姻家親賜醉

見太清樓侍宴記

回視南遷諸黨人瘴雨

蠻烟葬無地窮荒僦屋方坐愁相府歌鐘正得意豈知

公道昭日星鋼之愈力名愈馨朝端枉矜九州鼎

蔡確等鑄鼎列

司馬光諸人名金人入薛之

天下已誦千佛經

黨碑刻國子監有人題曰千佛名經見宋弁曲消舊聞

磨礪貞

石妙鐫刻翻似為作功德銘嗚呼權奸所爭亦細故祇

此目前富貴具庸知數十年榮華不過蜉蝣一旦暮何

苦抵死讐正人徒供千載嬉笑怒冰山他日况崩摧白

頭也赴長沙路桃花三樹詔勒回

京委慕容邢武氏三人隨南行有旨追取以金人指索也見王

明清揮塵錄

東明佛燈黑如霧

京死於長沙東明寺見錢氏私誌

一樣投荒作逐臣

甌北詩鈔

七言古二

十四

剩比諸賢多臭腐相傳星變已毀碑此碑何以完無虧

想因桂管地僻左深巖無人施斧椎碑陰不鐫刻工某

毋乃亦是安民為沈侯好古搨一紙鐵畫銀鈎擅絕技

一點金鋒雖兆亂

京書玉清宮額玉字一點極險惡有道士曰此點乃金筆而鋒銜侵王見老學菴筆記

臨池功

深特秀美惜哉若亦作清流故自不減蘇黃米

用書不下數十種毫無補綴痕迹是其心思筆力鋒鏘之妙保泰

李郎曲

李郎昔在長安見高館張燈文酒醺烏雲斜綰出場來

滿堂動色驚絕艷得郎一盼眼波留千人萬人共生羨

人方愛看郎顏紅郎亦看人廣座中一个狀元猶未遇

秋此時
爲舍人

被郎瞥睹識英雄。每當舞散歌闌後。來伴書幃琢

句工。畢卓瓮頭扶醉起。鄂君被底把香烘。但申醫臂盟

言切。并解纏頭旅食供。明年對策金門射。果然榜發魁

天下。從此雞鳴內助功。不屬中閨屬外舍。五花官誥合

移封。郎不言勞轉謙謝。專恩肯作鄭櫻桃。儘許後房多

粉麝。狀元官貴擁高牙。匹馬相從萬里賒。爲聽甘涼邊

曲好

相從單
爾官舍

當筵改學撥琵琶。主人酬贈千金橐。幸客莊

嚴七寶車。送上雲程心事了。忽傷老大苦思家。思家泣

與東君別。歸到姑蘇百花宅。舊時同伴見資多。誰不咨

嗟眼光赤。豈知遊興猶未已。盡倒囊金買瑤碧。捆載中

廩北詩鈔

七言古二

五

箱過嶺來。昔是玉人今玉客。

時販玉
玩玉粵

謁儂恰趁放衙早。不

覺相迎屣爲倒。通詞會記托微波。欲卽仍離郎太狡。往

日挑琴未目成。今朝擁檝偏人老。西子重逢范大夫。非

復當時浣紗好。成陰樹已感司勳。輾金聲兼記邱嫂。迴

憶華年澹泊遭。漏裏那禁私相惱。生平不喫懶殘殘。偏

是人間禁鬱難。初日杲逆雖已褪。晚風緒柳尙堪攀。樽

前軟語聊調笑。李下何妨一整冠。

絕世風情狀

石蟹

客來貽我兩郭索。石質天成不雕鑿。拳丁八跪臍雙尖

滿堂動色海物錯。堆盤正擬左手持。忽覺磴磴齒難嚼。

雙聳執鉞尙如衛一穀成匡不可斷空煩門生議糖餠
枉勞饗子費糠粕可憐彭越真壯士死骨千年猶峩峩
斂盡橫行萬里心化作一卷堅石魄相傳產自崖州濱
寒沙所生本軟弱出水則死不移晷得風而硬已非昨
薦來錯杓難淪羹劑以刀圭堪入藥能令昏目清障翳
兼療熱瘡去煩灼蟹鬪十二且未載縱讀爾雅詎云博
始知化工固奇詭繁夥未可臆見度木浮乃有沉香堅
石沉乃有浮磬薄食鐵之獸吐火雞化蜃者雉變蛤雀
緊茲變幻何足異水土陰凝成磊落陋儒少見每多怪
說與但增心膽愕毋怪片牘過函關懸之戶楣可愈瘡

甌北詩鈔

七言古二

七

端溪

扁舟晚泊羚羊峽口間訪端溪古石藪前郵呼取老石工
爲余指點述縷縷是由到處有硯材文殊宣德皆凡胎
屏風背下穴三尺乃是水巖宋所聞其中東洞勝西洞
洞內又分三層縫上層籠燥下層腐尤以中層爲貴重
雲氣水氣入石濡石亦化作雲水腴切以鸚鵡刀一片
磨以蚰蛇砂幾銖嫩於三歲嬰兒膚手一握之汗若酥
殺墨乃如磁吸鐵研磨無聲雲白敷數日不散光黯黯
宿墨一洗仍了無斯爲品中最上上鵲斑鴉眼猶皮相

青花隱約差可憑火捺有無不足尙近來此坑亦漸空

非有大力難施功。澗水先費千人力。入竇要瘦七尺躬。
燃燈在臍。仰面鑿一卷。艱與尺璧同。我聞其言一笑歌。
此州官場物力夥。何不結此翰墨緣。洞天割取紫雲朶。
雖殊包老投石沉清冷。差比鬱林歸裝壓磊砢。

柳州

我聞吳中桑民懌。得官不赴柳州城。謂昔子厚擅其地。
去恐掩却前人名。斯言抑何過白粳。毋乃蚍蜉撼大樹。
昔者東坡到嶺南。未聞潮州祧韓愈。將毋自揣實不如。
翻作大言高自署名士。取名非一端。鈎奇弔詭多用權。
遙望古人已不朽。附之者傳攻亦傳。郭象註莊固同久。
甌北詩鈔 七言古二

七

劉幾。糾史亦並懸。桑生用意蓋在是。乃詭不欲厄兩賢。
後來文苑爲立傳。竟因斯語特著篇。此正文人狡獪處。
被我說破不直錢。
快論舟

古州諸葛營

我昔從軍走滇徼。所至俱有武侯迹。瀾滄西去到木邦。
遺壘爭傳丞相壁。
永昌及木邦俱有諸葛營今來入黔首古州。又有營名

表公額。夷攷當年用兵地。木鹿都魯極西磧。距此奚營

六千里。中有千山萬山隔。五月渡瀘七月平。統計出師

日纔百。兵縱神速倍道馳。亦豈能來樹營柵。想是擒縱

威聲在一時。羣蠻盡辟易。地中鼓角皆雷霆。山頭草木

總戈戟。遂疑處處有。公到如水行。地初不擇英雄作事。以氣勝力。所未至光已射。一方戰定各部讐。數月功成。亘古赫經。過我亦一儒。生懷古真慚。軀七尺。

借補山崧霞遊雪崖洞甲秀樓諸勝

人生衣不過帛一束。食不能粟一斗。何苦出亦愁。入亦愁。身比鼠穴銜。簾簾不如逢場且作戲。得錢便沽酒。今朝風日佳。發興自良友。提刑司清柳。桎衡文堂掃。批垢相邀出城遊。屏却騶從吼。或疑陌上逢。三叟或疑中。散出街。走俄到雪崖洞。石竅嵌空誰所剖。穹窿笠覆。竊透漏孔穿。藕鑿鑿古佛好。身手迦葉應。真相左右斜。通一

甌北詩鈔

七言古二

太

罅開罅窳瘦而入坎似納。隔生平傲不肯折腰。屈使由竇也。俯首獨思單椒秀澤。徧天下何限玲瓏洞壑。仙霧守茲崖奚啻一培塿。特以近都會名轉噪人口。足悟遇

合偶不偶。一笑下山去。門前水清澗。暑月應有紅芙蓉。

春風猶未綠。楊柳沿溪隄。皮林藪又見危樓高。巋然霧光壽其旁。長橋如飲虹。其下淺水不沒狗。傑構突兀中流中。欄楯詰曲百尺陡。蠻荒本無秀可甲。不得不推此

巨拇。前有鐵柱丈八九。紀平苗功筆如帚。可憐幕府開疆印。懸肘至今祁連冢。已競薪樵。何況壁間題名人。妄

黃翰墨垂永久。噫嘻乎事功莫移愚公山。著述姑付楊

子旒君看汗牛著述汗馬勲孰是人間真不朽豈若朝
彈絲暮擊缶縱浪大化間清福且消受山僧頗解事邀
我香積具瀧漈盧仝七碗餘淳于二參後耳熱歌呼到
日酉歸來滿城燈火猶熒煌上元後三日灞陵醉尉不敢呵誰
某真成樂上樂脫盡官場俗窠曰試問狔鳥蠻花天千
年以來曾有此舉否

關索挿槍巖歌

萬仞危崖拔地起磴道盤空有遺壘土人相呼關索巖
云是漢前將軍子曾從諸葛征南來丈八鐵槍挿於此
我讀蜀志典可徵髯翁二子平與興此外不聞更誰某

甌北詩鈔

七言古二

尤

毋乃荒誕未足憑然而滇黔萬里境到處俱有索名嶺
若果子虛無是公安得威聲至今永當年壯繆心安劉
胸中浩氣橫九州一門忠孝出天性厥子亦定賢豪流
渡瀘深入不毛地將種應爲丞相倚斷頭掉尾紛猥苗
蠱毒蛇氛叢瘴癘想見前驅摧陷力生闢鬼鄉作人世
嗟峩翠壁高摩天一槍留鎮何機權豈同射石箭沒羽
或比刺山劍出泉要以神奇讐蠻俗如鐵柱殺蛟龍涎
君不見武鄉擒縱用心苦亦假威靈靖南土深崖往往
貯金甲貴陽有諸葛藏甲巖荒村處處墜銅鼓蠻村多銅鼓也云諸葛鼓也不知此物
究何用千載羣蠻舌猶吐可知一枝綠沉槍直抵長坂

蛇矛萬人阻。我來跋馬蒼山根。陰風颯颯寒荆榛。欲求
故蹟已罕有。偏覺英采垂千春。年深世遠不消餽。此豈
得謂無其人。嗚呼。書生論古勿泥古。未必傳聞皆偽史。
策真。結句千古名理一語破的保泰

白雲山羅永菴相傳爲明惠帝遜跡之所

白雲山上羅永菴。傳有明帝棲遯竈考之前史。帝崩火
安得遺跡留西南。碑官雖傳老佛返。議者輒謂無稽談。
我思金川事倉猝。母后未返宮已燼。當時死生究誰識。
鬼門何必無逃驀。出尸七日葬以禮。特掩耳目欺愚惑。
旣命胡濙訪邈邈。復遣鄭監踰瓊儋。長陵亦疑帝尚在。

甌北詩鈔

七言古二

辛

何況天下思遺簪。所以從亡致身錄。多披軼事勒秘函。
東湖樵夫補鍋匠。荒野天野哭辭詆。誦亡國非以無道失。
此意率土同悲。舍人心未死。卽帝在焉。知不確爲瞿曇。
皇覺寺中舊衣鉢。一脈正宜冢祠擔。革除距今四百載。
茲菴不朽猶精藍。想見師徒卓錫到。曾攜紅篋度牒三。
新蒲綠時感懷切。菜根青處歌聲酣。獨嫌附會轉失實。
洞號流米泉湧甘。菴後有流米洞。相傳有米流出。供帝爨。前有跪井。興
云山高無水。帝至忽湧泉。出取水者必跪。汲乃得。
王或有百靈護。泥馬著鞭蛇斬錮。遜荒久已時命去。空
山魑魅寧朝參。當是遺民切哀慕。故神其說資窮探。我
來弔古白日暮。羣鳥聲正啼烟嵐。相傳帝題菴中詩。議論精警。數筆
惟有羣鳥草廡朝。力甚嚴舟。

將至朗州作

滇黔天爲山所械萬山圍在青天外今朝眼界豁然開
出得山來天始大經年坐守深山幽豈知山乃盡朗州
萬山送我却私笑此人去竟不回頭獨嫌山盡水復壯
前途又狎稽天浪洞庭湖濶漢江深一葉扁舟兩枝槳
已徧天南萬里行歸途翻更切心旌山平水軟江南路
屈指還須一月程

甘將軍廟神鴉歌

江行曉過富池鎮片片亂鴉迎作陣拂浪如偕畫鷁翔
乘颺欲共相烏進榜人搏飯投向空饑口啞啞大逾寸

甌北詩鈔

七言古二

三

高低接食百不失眠疾機靈弗轉瞬有時旣飽坐檣竿
恰似倦旅便船起傳是甘將軍廟中遣來相助蒲颿迅
將軍生平勇絕倫雄姿颯爽生威神燕頷自能飛食肉
鷹揚豈屑飢附人由來英鷲氣不散故應化爲健翻凌
秋旻獨是當日所部未有鷓兒軍旣不聞雁子都以鳥
紀又不聞黑雲隊以色分胡爲身後統領萬鳥喙直欲
角勝水師鷲鸛羣或云將軍賤時好劫掠負貍帶鈴人
被虐草竊幾同孫白雞陸梁不減趙青雀卽今毋乃故
智存猶布黨羽恣吞攫繫余只貪歸路遄朝來正值南
風顛長年驚喜謂神佑船頭漉酒焚紙錢老夫快聽帆

獵獵也學低頭拜杜鵑

螻蟻靈澤夫人廟

危磯俯挿滄江水一片貞魂招不起相傳魚復凶問來
玉骨冰肌此中死夫人生長吳宮中剛猛縛有諸兄風
侍婢執刀墻慄慄幾笑大耳非英雄歸寧手自抱阿斗
亦見異母恩勤厚獨疑章武建號時何不迎回冊佳偶
伉儷殊無故劍情劉琄寡妻翻作后得非房闈餘威在
猶恐變故生腋肘武侯云王公在公安近
慮孫夫人變生別腋我讀蜀志搜異聞沉
淵軼事無明文要知夫人性英烈自有一死留清芬
豹亭師敗聞應悸况堪更灑崩城淚生不能歸蜀道難此

甌北詩鈔

七言古一

三

水猶從巴峽至或者游魂可逆流欲問永安宮裏事杜
鵑啼罷血紛紛白帝城高國土分一樣望夫身殉處可
憐悲更甚湘君空江烟雨迷離合還似蒼梧日暮雲

一聲河滿江空月明德縣

蕪湖鐵畫歌

畫家寫生尙沒骨專以柔媚矜技絕是誰巧匠能翻新
不用胭脂轉用鐵堅鎖入煨無礪砂鉗出爐燄紅于鰕
陰陽之炭文武火恍疑地窖烘唐花梅根崛奇松節硬
故宜鎌鍔摹槎枒其餘或拘風枝颭或抽露葉垂橫斜
或魚魚游燕燕舞常空鱗爪紛盤拏觀以素縠影浮動

映以絳蠟光交加燈之屏之挂虛室使我四壁生妍華
何哉頑鐵本粗醜乃令作繪替丹黝得非點鐵指嚙鐵
口否則卷舒鐵鈎手鍊得錚錚一寸剛化爲繞指軟如
柳廣平不以勁直稱魏徵轉因嫵媚取揉堅援銳出麗
藻笑他磨杵爲針硯成臼鑄鼎象物古所珍未有此法
傳後人我聞畫竹須用玉鈎鎖畫山最要丁頭皴想是
良工於此得妙悟遂以鐵筆來傳神丹青無光卷軸掩
論價貴值雙烏銀從來一技精能名可擅沈錫張銅李
昭扇以鐵作畫尤未聞特爲藝苑開生面何不鐫取工
姓名流傳應過千年絹

甌北詩鈔

七言古一

三

男
廷彥校字

